



Niuspepa bilong ol Papua Niugini stret

Wantok ^{12t}

Givim Pawa long Plis

Gavman i orait pinis long ol plisman i karim gan na pistol taim ol i wok. Nesanel Eksekyutiv Kaunsil i pasim tok long dispela long wik i go pinis. Long taim Praim Minista i tokaut long dispela em i tok Gavman bilong em i laik pait na pinisim tru ol trabelman na stilman insait long kantri. Wanpela we long mekim dispela em long strongim plis fos na stretim sindaun bilong ol plisman.

Sir Julius Chan i tok Gavman bilong em i gat laik tru long pinisim ol kain kain trabel nau i wok long sut i go antap insait long kantri bilong yumi. Em i tok "I no gat taim moa long pilai pilai. Mipela i laik kirapim bikipela pait nau long pinisim ol pasin nogut."

Tasol "Givim gan na pistol i go long ol plisman em i no nupela samting." Bipo ol plisman i gat gan. Tasol nau mipela skelim wanem kain gan na pistol tru plisman i mas holim.

"Mipela i no laik pasim tok nating na bihain yumi painim bikipela birua long dispela samting. Namba wan samting em long pinisim ol trabelman na kain kain pasin nogut bilong ol."

Minista bilong Plis, Mista Dutton, i tok dispela toktok Sir Julius i mekim i no min bai olgeta wan wan plisman i karim gan o pistol. Nogat. Bai sampela plisman tasol inap long karim gan. Ol dispela plisman mas save gut long lo. Na tu ol i mas save gut long pasin bilong yusim ol gan na pistol.

Em i tok dipatmen bilong em bai stat long skulim moa moa plisman long pasin bi-

long yusim ol gan na pistol.

Bipo long Plis Minista i autim dispela toktok em wantaim Plis Komisina, Mista Philip Bouraga, na sampela saveman bilong ami i bin skelim na traim ol sampela gan na pistol.


Ol i lukluk long ol otomatik raifel, sotgan, na tu long sampela kain gan bilong sutim smok bom na raba katres.

Mista Dutton i tok

em i laik bai nau tasol plis i mas kisim ol sotgan na ol gan bilong sutim smok bom na raba katres. Sampela long ol dispela gan ol i nupela kain yet. Ol inap tru long kikim stret ol trabelman.

Em i tok ol pipel i mas klia gut. Wok bilong plis i no bilong pinisim ol trabelman insait long kantri tasol. Em i tok ol plisman i mas redi tu long mekim indai wanem kain trabel ol ausait man i laik kamapim insait long kantri bilong yumi.

● Franzalbert Joku



Minista bilong Plis, Mista Warren Dutton, (lephan) wantaim wanpela ami opis (senta) na wanpela plis opisa (raithan). Ol i traim sut long ol sab masin gan. Dispela em i wanpela kain gan Gavman i laikim bai plis i holim bihain. Trabelman lukaut.

Mosbi So

Moa long 60 tausen manmeri na pikinini i kam lukim Mosbi So long 14, 15, 16 Jun. Ol kain kain pilai na resis i kamap long amamasin ol manmeri. Long pote hia yu ken lukim wanpela stua i save prinim nem bilong ol man long wanpela liklik medal. Planti man i saksak long lukim nem bilong ol long medal. Tasol 3-pela meri ya i no wari long medal ol amamas wokabout.

Investment Corporation of Papua New Guinea

Smatpela man i save baim sea long Invesmen Koporesen Sapos yu laik save moa rait i kam long P. O. Box 155, Port Moresby.





GIVIM PAWA LONG PLIS

Gavman i tokaut pinis bai ol kirapim pait long pinisim ol stil na pamuk pasin insait long siti na taun.

Ol i tok pinis long givim moa pawa long plis long mekim dispela wok. Plis bai kisim kain kain samting bilong pait wantaim ol lain stilman.

Kain tingting olsem i gutpela. I gutpela long givim pawa long plis. Ol pipel i les pinis long ol rabis pasin i kamap nau long ol siti na taun. Ol pipel i laik bai plis i kisim moa pawa.

Tasol yumi mas was. Wanem plisman i kisim sotgan o pistol i mas save gut long yusim. Em i mas save long pawa bilong gan. Em i mas save gut long taim na ples bilong yusim gan.

Ol man bilong bel isi tasol i ker, kisim gan. Nogut belhat bilong plis i bagarapim man. Nogut plisman i sut nating na bihain bikpela trabel kamap. Nogut ol man i no gat rong painim taim nogut.

Sapos ol komyuniti lida na ol pipel i wok wantaim plis bai wok plis i ken go het. Olsem gan i ken wok pretim ol rabisman.

I gat draipela asua i stap insait long ol lo bilong Papua Niugini. Dispela em i toktok bilong wanpela welfea opisa, Mista Teddy Ambing bilong Mosbi.

Em i tok ol lo i stap nau i no inap tru long givim draipela mekim save i go long lain trabelman na stilman taim ol i kamap long kot.

Na ol lo tu i no inap tru long strongim ol wok plis i save mekim long bringim trabelman i go long kot.

Mista Ambing em i holim wok olsem bos bilong asesmen senta. Dispela em i wanpela opis insait long Hom Afeas Dipatmen. Olgeta pikinini, kris-mas bilong ol i no winim 16, i mas i gat helpim long Asesmen Senta i save lukluk insait long ol wari bilong ol pikinini. Na



tu ol i save traim helpim ol pikinini long bihainim gut ol lo taim ol i pinis long kot o kalabus.

Mista Ambing i autim dispela toktok long wanem, ol gutpela wok bilong welfea opis, plis na kot i no save karim kaikai. Moa moa pikinini i wok yet long mekim trabel. Planti long ol i save kamap long kot o i go long kalabus planti taim pinis. Tasol ol i no pret liklik. Ol i save sakim toktok bilong kot, plis na ol welfea opis.

Mista Ambing i tok ol lo i mas senis. Olsem tasol Gavman in inap kamapim gutpe-



Teddy Ambing wantaim 3-pela welfea opisa i sanap ausait tong opis long Hohola Lephon em Misis Dessie Kaputin Magaru, namel Misis Sangoro, tokmeri bilong komyuniti na Misis Ronni Mamia. Ka ya i wok 24 aua long helpim ol yangpela.

la sindaun namel long ol pipel.

Kot bilong Pikinini Kot bilong ol pi-

kinini long Mosbi i save harim ol kot bilong ol pikinini husat kris-mas bilong ol i anait long 16. Em i gat fultaim mejistret bilong em yet.

Mista Ambing i tok planti yanpela trabelman na stilman husat kris-mas bilong ol i winim pinis 16 i save giamanim plis na kot. Ol i pret long go long ol bikpela kot.

Em i tok, planti taim tu kot i save lusim ol stilman i go sapos mejistret i no amamas long toktok bilong ol plisman.

4-pela senta

Em i tok long Mosbi long wan wan wik, samting olsem 20 o 30 pikinini i save kamap long kot bilong ol pikinini. Husat pikinini i save sakim tok planti taim ol welfea opisa i save salim ol i go i stap long ol welfea senta. I gat 4-pela welfea senta i stap long Papua Niugini. Wanpela em Boy Taun long Wewak, narapela, Togatia Haus long Goroka, narapela Veimaui Yut Tren-ing Sentra long Sentral Provins na Sogeri Retsil klostu long Mosbi.

Mista Ambing i tok pasin bilong dring na spak nabaut i no bikpela wari tumas namel long ol yangpela man o ol pikinini long Mosbi.

Em i tok planti long ol trabel i save kamap long ol yangpela man na ol pikinini i stap long hap olsem Morata, 6-Mile, Gordons, Gerehu, Kaugere na ol skwata setelmen insait long siti.

Mista Ambing i tok long lukluk bilong em taim ol yanpela man i kamaut long kalabus bikhet bilong ol i moa yet. Em i tok ol i mas strong long givim bikpela mekim save i go long ol.

Kalabus - No waris

Em i tok: "Ol trabelman nau painim olsem em i gutpela long i go long kalabus. I gat gutpela kaikai na Gavman i save lukautim ol gut."

"Sapos dispela tingting i stap, bai hat tru long yumi stopim ol yanpela long pasin nogut bilong ol."

"Mi pilim ol lo i mas senis. Na tu i no ken givim planti kaikai tumas long ol kalabus. Ol i mas painim olsem laip long kalabus em i hat."

Em i krosim ol papamama tu. Em i tok planti papamama long Mosbi i no save lukautim gut pikinini bilong ol. Planti long ol i larim tasol pikinini bilong ol long mekim kain kain trabel.

Franzalbert Joku



Em hia nupela smok balus bilong Gavman. Balus ya ol i kolim long Grumman Gulfstream 2. Em i gat 14 sia olgeta. Gavman i baim balus long Amerika long 6 milien kina olgeta. Em bai kam long PNG long mun Septemba. Gavman bai yusim balus long flai i go i kam long PNG na ovasis.

TAMBU TORO

TORO PAINIM PIS I STAP EM I NO SAVE OLSEM HAWARA I KARIM EM I KAM KLOSTU LONG PLES. PINIS.



EM TRONWE HUK I GO NA, PO PAIA EM PUNDAUN LONG PLES. KLOSTU LONG DOK NA DOK KIRAP KAIKAIM HUK.



TORO TING DRAIPELA PIS I PULIM STRONG.



BIHAIN EM PILIM I KAH PINIS NA LUKIM....




Nupela Hetman

Long Trinde 11 Jun. Prait Minista, Sir Julius Chan makim 8-pela nupela het bilong ol gavman depamen.

Sir Julius i tok em i laik bai wok gavman i mas go het. Em i laik bai ol pipel i bilip tru long wok gavman. Olsem em i wok hat long painim ol gutpela man long bosim ol wok gavman.

Em i tok planti samting insait long gavman i no ran gut. I gat planti hevi i stap. Olsem em i wok nau long senisim ol sampela bikman insait long gavman. Em i ting olsem tasol bai wok gavman i ken go het.

Hia bai yu ken lukim piksa na ritim stori bilong ol nupela bikman.



Charles Maino

Em i nupela sekretari bilong Jastis depatmen. Mista Maino i kisim ples bilong Mista Kubulan Los. Em i bilong Inawi viles, Bereina insait long Sentral provins. Krismas bilong Mista Maino em i 33. Bipo em i Pablik Solisita



Frederick Reiher

Em i nupela sekretari long dipatmen bilong Prait Minista. Em i kisim ples bilong Mista Buri Kidu. Ples tru bilong Mista Reiher em long Gilbert Ailan, nau ol i kolim Kiribati, long Pasifik Ailans Nau em i sitisen bilong PNG. Pastaim em i stap Hai Komisina bilong PNG long London insait long Ingran. Em i marit na i gat 2 pikinini.




Pious Kerepia

Em nupela sekretari bilong Woks na Saplai Depatmen. Em i kisim ples bilong olpela sekretari, Mista Jacob Kairi. Pious Kerepia i bilong Jupuno viles insait long Taiof Ailan long Not Solomons provins. Pastaim wok bilong Mista Kerepia em i olsem bikman bilong Pablik Sevis Komisin. Krismas bilong em i 35.




Rose Kekedo

Em i nupela sekretari bilong dipatmen ol i kolim ol Komyuniti na Famli Sevisis. Dispela dipatmen em i nupela na Rose em i namba wan sekreteri bilong en. Pastaim em i holim wok olsem Komisina bilong Tisa. Mis Kekedo i bilong Oro provins.




Paulias Matane

Em i nupela sekretari long dipatmen bilong Foren Afeas na Tret. Em i kisim ples bilong Mista Tong Siaguru. Mista Matane em bipo i bosim opis bilong PNG long Yunitet Nesens long Amerika. Mista Matane i kam long ples Viviran insait long Is Niu Briten provins. Krismas bilong em i 48.



Elipas Mosogo

Em i nupela sekretari bilong dipatmen bilong ol provins. Em i kisim ples bilong Mista Patrick Gaiyer. Elipas i bilong Unbukul viles insait long Niu Ailan provins. Krismas bilong em i 31. Em i bin wok insait long dispela dipatmen bipo.



Patrick Gaiyer

Em i nupela sekretari bilong dipatmen bilong Uben Developmen. Em i kisim ples bilong Mista Benson Gegeyo. Mista Gaiyer i bilong Westen Hailens provins. Bipo em i lukautim Dipatmen bilong ol Provins.



Philip Dondi

Em i nupela sekretari bilong Leba, Indastei na Turisim. Mista Dondi i kisim ples bilong Mista Kipling Uiari. Philip em bilong Fafe-Be viles insait long Milne Be provins. Krismas bilong em i 33. Bipo em i wok olsem namba tu sekreteri bilong Leba Dipatmen.



Graslain i Orait Tasol

Dia Edita — Long pepa bilong 10-5-80, mi bin lukim pas bilong Tirapi Yoke i no stret na mi laik bekim pas bilong em. Yes poroman, yu save pinis ol toktok yu bin mekim. Het tok em "Maski Pasim Ples".

Proroman, mi lukim na i no stret tru. Ating planti manmeri i lukim na i no stret tu ya.

Ating yu ting olsem, olgeta man o meri i bin go long haiskul o yunivesiti i gat save long wok lidasip.

Nogat tru ya. Mi tokim yu stret, dispela em i samting bilong ol pipel long votim wanem kain man o meri ol i ting bai lid i go gut. Maski em i eduketet o graslain man.

Poroman, ating yu jeles long ol graslain man. Em tasol. Sapos yu kros na yu laik bekim, em i samting bilong yu.

Jack Kawas, Madang Provins.

Kain Kain Dro Long Skul

Dia Edita — Yu inap givim mi liklik spes na mi autim wari bilong mi. Wari bilong mi i olsem.

Mi lukim wanpela pasin i no stret long mi. Ol sampela yut i go baibel kem long Mainyanda skul na ol i droim kain kain piksa. Long skul na long dom bilong ol boi. Na tu ol i raitim kain kain adres.

Yu husat brata o susa yu ting long dro nabaut, em i gutpela pasin. Tasol yu kam lainim tok bilong God, orait, yu sindaun gut na harim o kisim gut kos bilong yu na i go bek long ples na lainim ol yangpela.

J. Jatu. Aseki, Madang Provins.



Kukim Kaikai Long Maket

Dia Edita — Inap yu givim liklik spes long mi long autim wari bilong mi.

Yes, long olgeta de mi save lukim ol pipel bilong Manus i save karim kaikai i kam long maket long salim. Na sampela em i bilong ol long kukim na kaikai. Na tu ol i save karim ol stov na praimes long kuk long maket.

Dispela kain pasin i no gutpela long ai bilong mi. Bilong wanem ol i save kukim kaikai insait long haus maket? Dispela em i no haus bilong ol o ples bilong ol. Em i pablik ples bilong olgeta pipel long putim maket o bilong wokabaut i go i kam long baim kaikai.

Dispela pasin i no stret long Manus taun. Long olgeta hap mi lukim em i orait.

So em tasol liklik wari bilong mi. Sapos yu husat man yu bel hevi long pas bilong mi orait, rait tasol i go long Wantok Nius.

Simon Konni Yua, Kubalia, Is Sepik.

Rong Bilong Spakman

Dia Edita — Inap yu givim hap spes long mi bai mi bekim pas bilong brata ya Eric Joshua bilong Kavieng, Nu Ailan Provins na i kamap long Wantok namba 314 bilong Sarere 10, Me.

Brata ya i askim, bilong wanem tru na ol i save kalabusim ol sapkman na tu bilong wanem ol i wokim bia?

Yes brata, toktok bilong yu i tru. Tasol mi ting, ol i no inap stopim bia. Na brata, yupela baim bia na i go long haus bilong yu stret na dring. Bia yu i no inap painim trabel na kalabus.

Brata, ating yu wanpela bilong ol man i save kalabus ol-taim olsem na yu wari liklik. Tenkyu.

Charles Ilangat Bogia, Madang Provins

Salim ol pas i kam long:

WANTOK BOX 1982 BOROKO

Asua Bilong Plis

Dia Edita — Inap yu givim mi liklik spes long mi putim wari bilong mi i go insait o nogat?

Wari bilong mi i go olsem. Long Westen Hailens provins i tambu tru long bia, tasol ol man long Mid-Waghi ol i go long narapela provins na karim bia i kam na salim olsem blak maket long kisim mani. Em i gutpela o nogat?

Olsem na dispela as tasol na ol yangpela i save raskol nabaut long brukim stua, stilim kopi na pasin olsem. Ol i mekim olsem bilong kisim mani na dring bia. Asua bilong husat?

Plis long Minj na Banz i save mekim wanem kain wok? Em i save wok long kopi o man, Man, orait em i mas stopim dispela rot long bia. Ol man bilong salim bia ol i brukim lo na oda bilong gavman.

Em tasol tenkyu.

Peter Kolum, Kerevil viles, Banz.

Nambisman Paul

Dia Edita — Inap long yu larim mi long raitim wari bilong mi long liklik spes. Wari bilong mi olsem.

Mi laik bekim pas bilong poroman ya, Elisha P. Benny. Pas bilong em i bin kamap long Wantok Niuspepa bilong Sarere 9 de bilong mun Februeri, 1980.

Em i bin toktok long raskol bagarapim nem Simbu. Olsem na mi laik bekim pas bilong em.

Yes kunai, mi laik askim yu nau, hau save olsem raskol o stilman ol i bilong Simbu tasol? Ating ol

i ritim Simbu long pes bilong ol na yu save, a?

Olgeta man bilong hailans i pulap long nambis. Em i min olsem ol i stap long olgeta hap bilong PNG na em i olsem ol nambis man tu.

Wanpela man bilong Goroka o Hagen o Wabag i mekim dispela trabel o pait nabaut na ol i tok, "Mi Simbu". Em i giaman yu no ken bilip.

Em tasol long bekim bilong mi. Tenkyu.

Johnny Geoye. Enga Provins.

"Wong Noora"

Dia Wantok — Yu inap long givim mi liklik spes long bekim leta bilong wantok ya em long Mista John Lijoe. Em bilong Akaine kem, Buka napon Behkoro.

Yes wantok, yu bin laik save long mining bilong "Wong Noora" o "Anna plis Wong Noora".

Em nau bai mi tokim yu stret we bai yu painim mining bilong

ol hap tok antap. Sapos yu gat wanpela buk ol i kolim dikseneri, ol i wokim long tok ples Siwai bai yu ken lukim. Em i no hat mining.

Sapos yu man yu no ken komplek, laka? Em yu meri yu harim dispela hap tok, yu mas bekim "No oi Noora" o "Huro Nenki He".

John Takiraina Panguna, Not Solomons

Ating Yu Jeles?

Dia Edita — Plis mi laik bai yupela givim mi liklik spes na mi laik bekim pas bilong Leo Danna bilong Marienbeg long Is Sepik Provins. Pas bilong em i bin kamap long wantok Niuspepa bilong Mas namba 3 de.

Leo i bin rait na toktok long ol meri i save kom long pablik ples. Yes brata, ating yu raun long Wewak na Lae tasol na yu no bin raun long ol sampela arapela hap bilong PNG.

Long Wewak, mi no bin lukim wanpela meri i kom long pablik ples long ai bilong mi yet. Yu ating yu jeles long ol meri Lae na ol meri Wewak na yu raitim dispela pas. Komim gras em i no bikpela samting bai mipela ol meri i sem long en.

Na tu yu bin toktok long ol man i no inap maritim ol kain

meri olsem. Dispela em i wari bilong yu wantaim sampela arapela man olsem. Dispela em i wari bilong yu wantaim sampela arapela man husat i gat wanpela kain tingting olsem yu. Yupela i ken mekim wanem kain toktok long mipela ol meri. Em i wari na bel have bilong yupela tasol. Mipela ol meri bai stap amamas tasol, em kas bilong ol meri.


Olsem tasol, mi laik tokim ol meri Lae na Wewak olsem "keep it up" na no ken harim o wari long husat man i toktok long yupela. Em i wari bilong ol na amamas bilong mipela.

Sapos yu husat man i gat wari long dispela pas, rait tasol i go long Wantok Niuspepa. Tenkyu.


S. Melvine, Wewak,ISP.

PINE-O-CLEEN


Rausim ol jerm long haus bilong yu



Jerm i save kamap long olgeta hap. As ples tru bilong em haus kuk



Ol barek na hul inap kamapim sik. Kapsaitim liklik Pine o Klin bai yu mekim save lona ol jerm.



Ol toilet tu yu ken klinim long Pine o Klin. Kapsaitim liklik long toilet na loom i stap



Jerm i stap long olgeta ples doti. Klinim haus long Pine o Klin. Klinim plusa long haus kuk na toilet long Pine o Klin. Putim Pine o Klin long baket wara na klinim plusa Pine o Klin i save kilim indar ol kain kain jerm long haus



Yu ken kisim long olgeta bikpela stua na tred stua

Morobe ileksen

Ol politikal pati i resis nau long bungim ol memba na kirapim nupela gavman long Morobe Provinsal Gavman. Long las wik bilong mun Jun ol man husat i winim ileksen bai bung na vot long nupela Primia.

Olpela primia, Mista Pama Anio i lus long ileksen. Ol i holim dispela ileksen stat long 17 Me i kam inap long 7 Jun.

PPP na Pangu Pati i resis nau long grisim ol memba long kam wantaim ol na kirapim nupela gavman.

Man bipo em i holim wok olsem provin-sal plena bilong Morobe, Mista Utula Samana i win long ileksen tu. Em sanap olsem independen kendidet.

Sapot PPP

Utula Samana i tok, em bai traिम kisim sapot long ol PPP memba long kirapim

wanpela strongpela gavman.

I gat 2-pela meri tu i winim ileksen na ol bai go insait long Provinsal gavman. Em Misis Enney Moaitz, husat i sanap makim Wampar na Misis Grace Pokau husat i makim Wau-Biaru.

10-pela

I gat 10-pela olpela memba bilong Interim Morobe provinsal gavman i lus long ileksen.

Ol independen memba na PPP i ting, ol inap winim Pangu na kisim gavman. Tasol Pangu pati i tok, ol i gat 20 memba olgeta namel long ol 33 memba husat i win long ileksen.



Pama Anio

Pangu, P.P.P. na Nesenel pati i was i stap. Ol i was long ol 7-pela provins husat i gat ileksen long dispela taim. Ol i laik save ol pipel i laikim ol man bilong Pngu o P.P.P. o Nesenel Pati. Long Enga ol Nesenel Pati i winim pinis 17 sia insait long Enga provinsal gavman. Pangu i winim wanpela sia tasol.

● Ben Kasanda

Laik bung wantaim



Ol bikman bilong Lutheran Sios long miting bilong ol long Goroka. Tupela bisop i sanap namel long ol bikman.

Long 11 na 12 Me, 1980, lida bilong Evangelical Lutheran Church Papua Nu Gini (ELC) na Gutnius Lutheran Church - Papua Nu Gini (GLC) i bin bung long Goroka olsem Nesenel Lutheran Kaunsil (NLK). Bisop Zurewe wantaim sampela Distrik Presiden na Seketeri bilong ELC i pesman bilong ELC na Bispo W. Waesa wantaim ol helpim Bisop na Jeneral Seketeri bilong GLC i pesman bilong GLC.

Dispela em i namba 5 miting bilong dispela kaunsil bilong ol Lutheran Sios long PNG. Ol i bin makim Bisop Zurewe (ELC) long kamap Siaman na Mr. Mark Yapao, Jeneral Seketeri bilong GLC long kamap Seketeri.

Ol Lutheran lida i bin miting long painim gutpela rot long poromanim wok bilong tupela sios na long painim rot long kamap wanbel olgeta. Dispela ol lida i tok tupela Lutheran sios

long PNG mas sanap olsem wanpela long ol Nesenel wok bilong long helpim tupela sios i ken painim rot, NLK i askim tupela Sios Kaunsil long makim sampela man-meri long stadi gut long "painim aidia na kamapim rot". Na bihain ol i ken ripot bek gen long NLK na tupela Sios Kaunsil wantaim. NLK i bin oraitim wanpela komiti i gat 4-pela memba bilong ELC na 3-pela memba bilong GLC.

Dispela miting bi-

long NLK i bin yesa tu long wanpela komiti long liturgi na narapela long raitim sotpela tok long Tok Bilip. Ol i tok tu bai NLK i ken i stap olsem Nesenel Komiti bilong Lutheran Wol Federesen (LWF). Tupela sios i memba bilong LWF. NLK i bin makim Presiden Ray.R. Rasawe bilong Goroka Distrik, ELC, long kamap pesman bilong Lutheran sios long Het bilong Sios Komiti bilong Difens Fos. Ol i makim Mr. Mark



Yapao olsem namba tu bilong em. Ol lida bin yesa tru long wanpela pasin na mak bilong odinesen bilong ol pasto. Ol i tok dispela i mas stap stret long han bilong Het Bisop na Distrik Bisop na Presiden, wantaim kongrigesen.

Nesenel Lutheran Kaunsil bai miting gen long pinis bilong Mas na namba wan wik bilong Epril, 1981.



Ol sampela lain Simbu i wok long ritim sensus pepa. Gavman i wokim dispela pepa long 9-pela tokples olgeta, Inglis, Tok Pisin, Motu, Kuman, Dom, Elembari, Enga, Melpa. Wok sensus i gohet nau. Olgeta wan wan manmeri i mas wokim sensus pepa.



SUMITOMO



Askim mipela long strongpela taia tru

Lankrusa Dyna na Stout Taia

SL 803

DUNLOP

Aircorps Rd, Lae

42-1322

**TOK SAVE LONG
MITSUBISHI**

Mipela ino inap olim prais em soim tambolo longtaim.
Ol nupela ka da na truk bai kam long sip olsem na prais mas igo antap.
NOKEN WET. GO KWIK NAU NA BAIM WANPELA, TAIM PRAIS I LOYET.
BAIM NAU long TOBA, or kampani usat save salim MITSUBISHI.

TOBA
PTY LTD




**SAMPELA KAMPANI SAVE GIVIM
FRI GIFT TASOL MIPEL GIVIM
YU SAMTING TRU EM
MONI BILONG YOU
BAIM.**

HEB 443

YU Inap Baim Long K6290 Tasol



YU bai amamus
olsem yu papa bilong



**MITSUBISHI
HEAVY DUTY
TRUCK**

bilong 1980's

Em strongpela trak na em igat bikipela pawa bilong mekim bikipela wok.

Ol wok masin na man i no inap wokim, MITSUBISHI TRAK
INAP WOKIM wantaim stail. Maski long wanem

kain ples em bai win yet. Em trak ya, ol i
wokim bilong ol draiva long draiv wantaim

nogat trabel. Tingim: strong na
gutpela ron, Em bilong

MITSUBISHI TRAK.

No ken wet: long lo prais yu ken traim draivim

MITSUBISHI TRAK, go long.

TOBA
PTY LTD

TOBA PTY. LTD. PORT MORESBY	TOBA PTY. LTD. LAE	KAMSCO KAVIENG	RABAU GARAGE RABAU
HAGEN HAULIERS MT HAGEN	LINUPA PTY. LTD. GOROKA	MICHAEL WING YOU MANUS	
GIRIDA UNDARI MOTORS POPONDETTA	WONG KUI BUKA	STEAMSHIPS MACHINERY MADANG	



MITSUBISHI

HEB 170

NIUS-NIUS-NIUS

☆ **DISTRIK KOT GO HET** - Nesenel Eksekyutiv kaunsil i givim pawa pinis long olgeta Distrik Kot long harim sampela bikipela kot olsem, kilim man, stil na trabel olsem. Bipo ol i nogat pawa bilong harim dispela kain kot. Nesenel Kot long Mosbi tasol i save harim. Nau ol i gat pawa long harim wanem kain kot bilong man o kamapni ol i kotim em long paulim mani inap long K8,000. Ol Loman i sapotim dispela tingting.

☆ **MASKI GRISIM PIPEL** - Memba bilong Chuave insait long Nesenel Palamen, Mista Robert Yabara i tok em i no stret long Oposisen Lida, Mista Somare long grisim ol pipel long Hailens. Em i tok olsem behain long lukluk raun bilong Mista Somare long Hailans insait long mun Me. Mista Somare i tokim ol pipel long Hailens olsem Oposisen i no inap rausim nating gavman bilong Chan. Oposisen bai muvim vot ov nogat konfidens sapos gavman bilong Chan i no mekim gut wok bilong ol. Mista Somare i lukluk raun long Hailans taim ol komuniti lida i askim em long kam lukim ol.

☆ **KOPRA SOT** - Kopra maketing bod bai ka katim daun namba bilong kora em save salim ovasisi stat long mun Ogas sapos ol pipel i no smat long wokim kamap kopra. Namba bilong kopra bai go daun long 10 pesen olgeta sapos ol pipel i no wokim planti kopra. Kopra bod i tok, ol pipel i smat tru long wokim kopra na salim long yia 1979. Tasol long dispela yia, wok kopra i pndaun. Long las yia PNG i wokim 64 milien kina long kopra. Tasol i luk olsem prais bilong kopra i pndaun na pipel i les long wokim kopra. Bod i tokaut pinis long givim K34 win mani bilong ol wan wan tan kopra ol bisnis man i wokim pinis long 1979.

☆ **PIS FAKTORI** - Nesenel Eksekyutiv Kaunsil i tok orait pinis long kirapim pis faktori insait long Niu Ailan provins. Wampela bikipela pis kampani bilong Amerika, ol i kolim Star-Kist, bai kirapim dispela faktori. PNG i holim 40 pesen sea insait long dispela bisnis.

Pe bilong Kopra

BIKPELA BRIS

Grin - HA	K230
Blak - FMS	K227
Ret - SMOK	K225
Namatanai	HA K208
	FMS 205
	SMOK 203
Samarai	HA K203
	FMS 200
	SMOK 198
Finschaffen	HA K204
	FMS 201
	SMOK 199
Buka	HA K208
	FMS 205
	SMOK 203

WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N. G.
P.O. Box 1982, Boroko
Telipon: 25.2500 Teleks: NE 22213

Edvetaising long Australia
Central Media Sales, Sydney
Telipon: 436.1000 Teleks: AA23211

PE BILONG WANPELA YIA, 52 NIUSPEPA

Ples	Kam long balus	Long sip
Mosbi	K 10.00	K 10.00
P.N.G.	K 14.00	K 14.00
Australia	A\$ 36.00	A\$ 29.00
N.Z., Fiji		
Pasifik Ailan	NZ\$47.50	NZ\$ 32.00
USA, Yurop	US\$ 70.00	US\$ 47.00
	DM 120.00	DM 81.00
	L 31.00	L 21.00



Ol meri i wokim protes mas long Mosbi. Ol i kros tru long ol stilman na pamukman. Ol i laik Gavman i mas wokim taim tambu insait long ol siti na taun. Ol i mas long 9, Jun.



Meri ya i tok, husat bai helpim ol meri? Gavman inap helpim mipela o nogat?

Mas pinisim ol trabelman

Ol Mosbi meri i belhat tru. Ol i kros long ol dispela lain pamukman i kilim indai wanpela meri long wik i go pinis.

Santiug olsem 20 pamukman i bin holim pasim wanpela mama na mekim pasin nogut long em. Bihain ol i kilim em indai. Dispela birua i kamap long biknait Sarere, 31 Me long Morata. Meri ya em bilong Kila Kila viles. Ol plisman holim pasim pinis ol dispela pamukman.

Long Mande 9 Jun santing olsem 600 yangpela meri na ol mama i wokim wanpela protes mas. Ol i go long opis bilong Praim Minista, Sir Julius Chan, na kamautim wari bilong ol.

Tupela meri i go pas long mas em Mis Cathy Bera, wanpela yangpela meri bilong Mosbi yet, na Mis Josephine Abaijah, Memba bilong Nesenel Kapital Distrik insait long Nesenel Palamen.

Tupela meri putim pinis askim bilong ol meri i go long Sir Julius Chan taim em i bungim ol.

Ol meri i toktok strong tru olsem, Gavman i mas givim draipela mekim save i go long dispela kain bikhet pasin bilong ol pamukman.

Ol i tok, ol meri i wari tru long sindaun bilong ol insait long siti. Ol i gat bikipela pret tru long ol trabelman insait long siti.

Hia em sampela strongpela askim Mis

Bera i mekim long nem bilong ol meri: Nesenel Gavman i mas kirapim taim tambu long olgeta hap bilong Mosbi.

Stat long 10 klok biknait, plis i mas pasim ol manmeri husat i wokabout long rot na sekap long ol. Stat long 12 klok biknait plis i mas stopim ol ka na sekim.

Olgeta manmeri i wok long Mosbi i mas holim tiket. Wanem

man o meri i no gat tiket plis i mas rausim ol i go long asples bilong ol.

Gavman i mas givim bikipela mekim save i go long ol kalabusman. Ol i mas kisim kaikai wanpela taim tasol long wan wan de.

Pamukman na stilman i mas stap long taim long kalabus. Ol kalabusman i mas i gat mak kalabus long pes bilong ol.

Husat i kilim narapela man i mas



indai tu. Gavman i mas givim moa mani long Plis Dipatmen.

Sir Julius i tokim ol meri, em i amamas long gutpela pasin ol i mekim long bringim wari bilong ol i kam long Gavman. Em i tok, em tu i wari tru long luim kain kain pasin nogut nau i wok long kamap insait long Papua Niugini.

● Franzalbert Joku



PREN BILONG YU INAP OLTAIM



FANTA

TRADE MARK REGD

IT'S A BOTTLE OF FUN



KAUNSI LA TRAIM



Papua Niugini Kopi Industri Bot

Papua Niugini Kopi Industri Bot i laik tokaut olsem, bai gat wanpela kibung klostu taim. Olgeta manmeri husat i gat wari long wok kopi, ol i ken kamap long dispela kibung na autim olgeta wari bilong ol.

PLES BILONG KIBUNG. KONPRENS RUM, MINOGERE LODGE, GOROKA

OL DE	MANDE	21 JULAI	1980
	TUNDE	22 JULAI	1980
	TRINDE	23 JULAI	1980

Sapos yu laik givim wanpela ripot long dispela kibung, orait, namba wan samting, yu mas taipim dispela ripot long tok Inglis na salim i kam long dispela adres: The Executive Officer, PAPUA NEW GUINEA COFFEE INDUSTRY BOARD, P.O. BOX 137, GOROKA, E.H.P.

Na dispela ripot i mas kamap long dispela man bipo long Mande 7 Julai 1980.

Long taim em i lukim olgeta ripot pinis, orait, bai em i wokim wanpela program. Em bai givim taim bilong wan wan man long toktok long ripot bilong em pinis orait, bai em i givim taim bilong ol manmeri long askim kwesten. Taim bilong toktok bilong wan wan ripot bai 20 minit tasol.



**OL MAN I SANAP RESIS
LONG ILEKSEN**

**NOT SOLOMONS
PROVINSAL GAVMAN**

JENERAL ILEKSEN - 1980

Mipela i laik tok save long ol manmeri olsem taim bilong sanap resis long ileksen bilong Not Solomons Provinsal Gavman, em i pinis stret long Trinde 30 Epril, 1980. Daunbilo, em yu inap lukim nem bilong ol man i sanap resis long dispela ileksen. Ol dispela nem bai stap olsem tasol long vot pepa.

A. ROTOKAS ILEKTRET

1. Hubert Geviahic
2. Gordon Bure
3. Michael Gimisia
4. Asurei Golorai
5. Simon Pute

REBERERE ILEKTRET

1. Luke Kakana
2. Aloysius Noga
3. Dominic Nunu Korake
4. Paul Aisa
5. Michael J. Laimo

C. RINO ILEKTRET

1. John Numake
2. Makunei Here
3. Luke Deukari

D. BAGANA ILEKTRET

1. Joseph Kovie
2. Peter Tsuremai
3. Nami Nauba

E. POROBERE ILEKTRET

1. Simon Peter Tania
2. Thomas J. Lugabai
3. Aloysius Mekai
4. Matthias Wape Mautu
5. Peter Karai Aniape
6. Andrew Komoro
7. Raphael Duaki
8. Joseph John Kouro Tonnaku

F. BASINA ILEKTRET

1. Paul Kaile Wara
2. Simon Tsirasi

G. IORO - EIVO ILEKTRET

1. Michael Pariu
2. Joseph Doka
3. Cyril Sawa
4. Simon Parina
5. Charles Avavai

H. ARAWA ILEKTRET

1. Thomas Anis
2. Denis H. Sareke
3. Jacob Shadrach Kauva
4. Aaron K. Mirana

I. NASIOI - PIRUNG ILEKTRET

1. Naona Konganai Taniung
2. Amos Rarapea Ona
3. Andrew Narung Duruvu

J. KOROMIRA - KONGARA ILEKTRET

1. Joseph Mauro Miraku
2. Elijah Itoro
3. John Dakeni

4. Mellie Hakoutu

K. PONGO ILEKTRET

1. Francis Peuru Kumba
2. Antony Potungah
3. Mathew Sipisong Rubakei
4. Timpa Poroni
5. Jeremiah Ahai

L. KUNUA ILEKTRET

1. Cosmas Lali
2. Samuel Kariup Hamus

M. BUKA PASSAGE ILEKTRET

1. Paulus Harepa
2. Joachim Nangoe
3. Mary Poin Cheung
4. Aloysius Sohaga
5. Joseph Tsora
6. Thomas Hakin Magara
7. Joseph Gatana

N. TEOP ILEKTRET

1. Clement Dana
2. Samson Purupuru
3. Michael Ogio

O. PUNEN ILEKTRET

1. Ezekial Guam
2. Simon Kekero
3. Thomas Bombot Magi

P. HAKU - HALIA ILEKTRET

1. Beano Latu
2. Mathew Pomes
3. Michael Samo
4. Paul Moutege Magara
5. Cletus Harepa
6. Hamao Tato

Q. PROVINSAL ILEKTRET (PRIMA)

1. Leo Hannett
2. Alexis Holyweek Sarei

Tarangu ranaweman

Sapos pait namel long ol Muslim na ol soldia bilong Rasia i stap long Afghanistan i go moa, Pakistan bai kisim bikpela het pen.

Long dispela taim samting olsem 11 milien manmeri pikinini bilong Afghanistan i ranawe. Ol i lusim ples pait na ol i kam sindaun long tupela provins bilong Pakistan.

Gavman bilong Pakistan i tok, samting olsem 600 tausen ranaweman i stap nau long Not-Wes hap bilong Pakistan. Ripot i tok tu olsem, nara-pela 250 tausen pipel bilong Afghanistan i sindaun nau long kantri Iran.

Ol pipel i ranawe lusim Afghanistan, long wanem, ol ples bilong ol i bagarap. Ol ples i bagarap long taim ami i tromoi bom long kilim ol paitman husat i pait wantaim gavman.

Ol niusman husat i lukluk raun long ol provins bilong Afghanistan i tok, i no gat wanpela man o enimal i stap long ol ples. Olgeta i lusim na ranawe.

Ripota i raitim dispela stori i tok, em i lukim planti meri, pikinini na ol lapun man i pulimapim tru kem bilong ranaweman. Ol kem i stap klostu long mak bilong tupela kantri.

Em i tok, em i lukim wanpela mama i

wokabaut wantaim 5-pela pikinini bilong em. Ol i wokabaut long 2-pela de olgeta na ol i kamap long kem bilong ol ranaweman.

Planti ranaweman i tokim ripota olsem, ol manki krismas bilong ol i anit long 15 i stap yet long ples. Ol i bung wantaim ol rebel paitman. Ol i pait wantaim soldia bilong Rasia na gavman bilong Afghanistan.

Moa moa ranawe-



man i kapsait i kam pulimapim tru ol kem na nau graun na wara i sot tru.

Ol ranawe pipel i no wokabaut nating. Nogat ol i bringim tu ol kau na meme na arapela samting olsem.

I gat klostu long 1 milien kau i stap nau long kem. Ol i hat tru long painim kaikai bilong ol.

Dispela i bringim bikpela kros na wari long ol asples manmeri. Gavman bilong Pakistan, Amerika na ol kristen sios long Yurop i wok long bungim mani. Ol i baim ol sel long wokim haus bilong ranaweman.

Tasol wanpela bikpela wari i stap. Ol asples bai stap gutpela pren wantaim ol ranaweman o nogat? Nogut trabel i kamap namel long tupela lain. Dispela long wanem, sampela ol ranaweman i wokim pinis haus bilong ol. Ol i mekim dispela hap olsem ples bilong ol stret.

Olsem tasol, sapos ol i pulim pait i go moa ol ranawe man bai pulap long Pakistan na Iran.

Gemini Nius

Kem bilong ranawe man



Ol pikinini bilong ol ranawe man long kem insait long Pakistan.

Tanim Bel Muvmen

Long Kindeng Gavman Setelmen Blok klostu long Maun Hagen ol Katolik i hat tru long wanpela nupela muvmen. Ol i kolim em "Tanim Bel Muvmen". Ol Hagen na Enga na Simbu na Saten Hailans i insait long en.

Dispela Katolik Felosip Grup i save bung klostu olgeta nait long nupela felosip haus bilong ol. Ol i save singsing na ritim Baibel na patim tok na wokim kain kain pilai long soim ol Baibel stori long ol arapela pipel. Klostu olgeta dispela lain pipel ol i yangpela marit pipel na skul liva na sumatim.

Dispela lain i strong moa long onaim Holi Spirit. Olsem na long biksande bilong onaim Holi Spirit, ol i redi inap tripela de. I gat 18 felosip grup i bin bung long dispela pestode.


1,000 Manmeri

Long Fraide yet samting olsem wan tausen manmeri i bung long mekim lotu. Ol i bin lukim tupela muvi piksa tu. Wanpela i bilong laip bilong Jisas na narapela i gat sotri long Holi Spirit. Felosip haus i pulap tumas na sampela manmeri i mas stap arasait.

Long neks de long Sarere ol i mekim wanpela lotu sori. Bi-hain, sampela i givim witnes na i bin tokaut long ai bilong ol pipel long rong ol yet i bin mekim bipo. Fopela pris i bin sindaun harim konpesion. Na bi-hain ol i gat Misa na 6-pela ministran i bin tilimaut santu komunio. Tripela dispela ministran i meri. Bisop Bernarding i bin givim tok orait long ol i ken tilim komunio olsem ol ministran man.

Pilai Gita

Bihain long dispela lotu ol 18 felosip grup i bin kamap ol i bin mekim wanpela resis long paitim gita na pilai na singsing. Long dispela taim ol i bin bungim K262.91 bilong helpim ol tarangu long ol arapela kantri i no gat katekumen. Ol i tok olsem: "Pas-in bilong tanim bel em i no tok maus nating. Nogat. Yu tanim



LOTU PES

bel, orait, yu mas soim. Yu mas mekim samting bilong soim. Olsem na mipela i bungim mani." Dispel-la mani Pater Ryan i bin salim i go long wanpela haus sik bilong ol lepaman long kantri India.

Long apinun long dispela Sarere ol i wokim bikpela kaikai amamas. Ol lain Kindeng yet i bin kilim 3-pela bulmakau na i mumuim na i tilimaut long ol arapela lain i bin kamap. Bi-hain, ol i go bek slip long ples.

Kisim Baptais

Long Pentekos Sande yet, moa olsem 20 pipel bilong dispela felosip haus long Kindeng i kisim baptais. Ol i winim pinis skul katekumen. Na narapela 50 i kam kisim santu komunio namba wan taim.



Ol memba bilong Katolik Felosip Grup long Kindeng i mekim save long taim bilong lotu ol i no save les o sindaun nating. Nogat. Ol i paitim gita na singsing i go i go inap long taim moa.



Ol memba bilong Felosip Grup long Kindeng i mekim wanpela pilai bilong soim sampela stori bilong Baibel long ol manmeri i sindaun lukim.



I no gat haus lotu inap long Katolik Felosip Grup i kam long misa long Kindeng long Westen Hailans. Olsem na ol i lotu ausait na yu ken lukim planti kalis pulap long komunio i stap antap long alta. Ol pipel i singsing na i paitim han wantaim.



Long bikpela lotu sampela ministran meri i tilimaut santu komunio long ol pipel. Em long Kindeng klostu long Maun Hagen.

dispela pisin yumi lukim oltaim nau igo long Australia!

Air Niugini tasol i save i go i kam long Australia 8-pela taim long wanpela wik. Mipela i save flai planti taim. Na mipela i save givim sevis long we yu yet laikim. Mipela i save flai i go long Sydney na Brisben na Cairns.



mipela igat gutpela Fraide Sevis



Air Niugini tasol inap givim yu gutpela Fraide nait sevis i go olgeta long Sydney. Balus i save kirap long 5 klok apinun long olgeta Fraide. No ken tingting long lusim wok hariap long go kisim balus. Nogat. Na dispela balus i save go olgeta long Sydney. Sampela balus i save mekim ol pipel i stap wan aua nating long Brisben. Tasol mipela nogat. Na tu, sevis bilong ol dispela "Bird of Paradise", em i nambawan tru. Ol arapela balus i save mekim ol pipel i sanap long longpela lain. Tasol mipela nogat. Tingim gut: Air Niugini tasol, em i nambawan we bilong flai.

Ringim tasol Air Niugini Intenesenal Resevesen bilong kisim moa tok save o bilong bukim balus. Em hia namba, 252066. O yu ken ringim tu husat man i lukautim ran bilong Air Niugini balus long hap bilong yu.

AIR NIUGINI
THE NATIONAL AIRLINE OF PAPUA NEW GUINEA

Maritim Husat?

Dia Laiplain.

Mi wanpela yangpela manki 1 stap nau long siti. Mi gat wanpela prenmeri na laik bilong mitupela i pas strong tru wantaim.

I no longtaim i go pinis mi kisim wanpela pas i kam long papa bilong mi. Na dispela pas i wok long mekim mitupela

Dia Pren.

Wari bilong yu i olsem, papamama bilong yu i makim wanpela meri pinis long yu bai maritim. Tasol yu yet yu laik maritim narapela meri.

Dispela wari i no stap long yu wanpela tasol. Nogat. Em i wanpela wari bilong planti yangpela manmeri i stap long ol taun.

Yu gat dispela wari nau, long wanem, yu lukim pinis pasin bilong ol waitman. Dispela pasin em i bilong stat long prenim wanpela meri. Na bihain laik bilong yutupela i pas strong tru, bai yutupela i laik marit.

Na papamama bilong yu i no raun long taun olsem yu. Nogat. Ating ol i stap long ples tasol. Na pasin bilong ples i tok, papamama i mas makim wanpela meri long yu. Dispela pasin bilong makim meri em i pasin bilong mekim gutpren namel long ol wanpisin.

premeri bilong mi i stap wari tu. Papa bilong mi i tok, em i baim wanpela meri bilong ples pinis. Na dispela meri em i baim ya, em i meri bilong mi. Tasol mi no save liklik long dispela meri.

Mi rait bek na tok-papa bilong mi olsem, mi gat wanpela prenmeri pinis. Na

laik bilong mi i pas tru long dispela meri na i luk olsem bai mitupela i marit. Na mi tokim em olsem, dispela meri em i baim pinis ya maski, ol i ken givim long liklik brata bilong mi.

Tasol ol i tokim mi olsem, dispela meri long ples bai kamap gutpela meru tru bi-

pela laik long maritim dispela prenmeri bilong yu, orait, yu mas traim bihainim tingting bilong papamaman long dispela samting.


Ating yu gat sampela kandere o wantok long taun tu o nogat? Sapos yu gat, orait, yu go toktok long ol. Yu mas traim mekim ol i luk save long dispela wari bilong yu. Ating ol bai helpim yu long go toktok wantaim papamama bilong yu.

Yu gat wanpela wari nau wantaim papamama bilong yu. Na sapos yu no stretim tok wantaim ol na yu go maritim prenmeri bilong yu, bai dispela wari i go bikpela moa moa yet.

Olsem, sapos yu sakim tok bilong ol na yu maritim prenmeri bilong yu. ol inap rausim yu long famili. Na em i samting nogut tru.

Na tu, bipo yu go grisim papamama bilong yu long larim yu maritim prenmeri bilong yu, yu mas save gut long em pastaim. Em i gutpela meri bilong yu o nogat? Na

LAIP



LAIN

long mi. Olsem na mi ni klia long wanem samting mi mas mekim.


laik bilong yu i pas strong tru long en o nogat?

Yu tok, meri ya i bilong narapela provins. Papamama bilong em i orait long em i maritim yu o nogat? Na yu save long papamama bilong em o nogat? Tula i orait long yu? Sapos nogat, yu gat wanpela wari moa.

Na yu yet i tok, yu no klia tumas long dispela meri long ples. Orait, mobeta yu askim yu yet nau olsem: Yu klia yu gat laik long dispela prenmeri bilong yu o nogat? Olgeta boi i save gat laik long ol meri. Em i samting nating.

Sapos yu no klia gut long laik bilong yu long maritim prenmeri o meri bilong ples, orait, mobeta yu wet pastaim. Mobeta yu wet inap yu save gut long laik tru bilong yu. Sapos yu painim wanpela meri na yu gat laik tru long em, na yu lukim em i wanpela meri i pas gut long yu na yu inap stap gut wantaim em i go inap yutupela i dai, em yu mas maritim.

Mi, Laiplain



Singsing Tumbuna

long Kalsa Senta

● Franzalbert Joku
Foto: Donaldson Muraba



Ol Gogodala long hap bilong Westen Provins ol tu i gap planti gutpela gutpela singsing bilong tumbuna. Long poto hia yumi lukim wanpela sumatin mekim singsing ol i kolim "Owale". Ol Gogodala i save mekim kamapim dispela singsing long taim bilong marit.

Dairekta bilong Nesenel Miusium ol bikpela kalsa senta long Mosbi, Geoffery Mosuwadoga. i tok, em i hamamas tru long lainim pasin bilong tumbuna. Em i tok, kalsa o pasin tumbuna em i wanpela bikpela samting sapos Papua Niugini i laik kamap gutpela na strongpela kantri. Mista Mosuwadoga i bin mekim dispela

toktok long Fraide 6 Jun taim em i tok tenkyu na hamamas i go long cl sumatin bilong Sogeri Nesenel Haiskul long Mosbi. Ol sumatin i bin mekim wanpela bikpela singsing tumbuna long kalsa senta long Konedobu. Ol i putim kamap ol singsing long planti hap bilong kantri. Ol i mekim Takere o naip danis bilong Mortlock long Not Solomon Kaiem Yangenge

(Snek Danis) bilong Enga, Kitoro danis bilong Sentral Provins na planti moa bilong Simbu, Noten, Saten Hailan, Westen, Manus, Milen Be, Morobe, Is Nu Briten, Nu Ailan, Isten Hailan, Is Sepik na Galp. Ol sumatin bilong Sogeri i save mekim dispela kain singsing bilong tumbuna long olgeta yia. Mista Mosuwadoga i tok, em i hamamas

tru long gutpela wok ol tisa long Sogeri Nesenel Haiskul i mekim. Planti man nau i wok long wetim ol danis bilong ol. Saut Pasifik Festival ov Ats bai stat long 29, Jun.



"Mweki" em i wanpela kain singsing tumbuna bilong hap bilong Trobrian Ailans. Ol yangpela manmeri i save mekim kamapim dispela singsing long taim ol papamama bilong ol kamautim ol yam long gaden bilong ol. Long poto yumi lukim ol sumatin bilong Sogeri mekim kamapim Mweki.



Poto: Sumatin i go pas long Waikeno danis wok long mekim save.



Long Enga bipo long taim bilong tumbuna i bin i gat sampela lain i save lotu long snek. Sumatin meri hia i stap insait long wanpela singsing grup bilong Sogeri Nesenel Haiskul. Lain bilong em i bin mekim kamapim "Kaiem Yangenge" o danis bilong snek bilong ol Enga.



Poto soim sampela sumatin mekim kamapim "Rene Ropene". Dispela singsing em i bikpela moa long planti hap bilong Saten Hailans Provins. Ol sios tambuim pinis dispela singsing long wanem ol manmeri i save makem dispela taim ol i laik lotu long ol tewel/tambaran.



Singsing yam bilong Trobrian Ailan



Singsing tumbuna bilong ol Kiwai insait long Westen Provins em i moa yet. Poto hia soim sampela sumatin bilong Kiwai yet i mekim kamapim wanpela danis ol i kolim "Kolen Kebule".



Ol Gogodala bilong Westen Provins



"Waikeno" em i wanpela singsing tumbuna bilong ol asples long hap bilong Simbu Provins. Ol i save mekim kamapim dispela singsing long olgeta 5-pela yia taim ol i kilim planti pik. Long poto ol sumatin bilong Sogeri hatim Waikeno i stap.



Westen Hailans

INDEPENDEN GAVMAN BILONG PAPUA NIUGINI

Oi Lo Bilong Provinsal Ileksen Bilong Westen Hailans Provinsal Gavman Bilong Yia 1979

Oi ples bilong vot bai op long 8 klok moning na pas long 6 klok apinun. De bilong vot bai yu painim long lephan na ol ples long raithan. Sapos wan wan ples bilong vot i op o pas long arapela aua bai yu ken lukim stret long ples ol i raitim ne bilong en.

PROGRAM 1 – HAGEN TAUN ILEKTORET (TIM 1)

DE BILONG VOT PLES BILONG VOT

Sarere	31st Me, 1980	H.A.T.I.
Mande	2nd Jun, 1980	Kagamauga
Tunde	3rd Jun, 1980	Maket Ples
Trinde	4th Jun, 1980	Maket Ples
Fonde	5th Jun, 1980	Sab Distrik Opis
Fraide	6th Jun, 1980	Sab Distrik Opis

PROGRAM 2 – ANGALIMP ILEKTORET (TIM 1)

DE BILONG VOT PLES BILONG VOT

Sarere	31st Me, 1980	Kiap
Mande	2nd Jun, 1980	Wurep No 1
Tunde	3rd Jun, 1980	Wurep No 2
Trinde	4th Jun, 1980	Kiliga No 1
Fraide	6th Jun, 1980	Kujabuk
Sarere	7th Jun, 1980	Dobindop
Mande	9th Jun, 1980	Ketibung
Tunde	10th Jun, 1980	Rogump
Fonde	12th Jun, 1980	Ketibam
Fraide	13th Jun, 1980	Kindeng No 1
Sarere	14th Jun, 1980	Kindeng Bloks (2 Skul)
Tunde	17th Jun, 1980	Avi Bloks Risetlemen
Fraide	20th Jun, 1980	Known Plantesisin

PROGRAM 3 – KUI ILEKTORET (TIM 1)

DE BILONG VOT PLES BILONG VOT

Sarere	31st Me, 1980	Anga
Mande	2nd Jun, 1980	Muga
Tunde	3rd Jun, 1980	Togoba (2)
Trinde	4th Jun, 1980	Pungaminga
Fonde	5th Jun, 1980	Kug/Kunguramp
Fraide	6th Jun, 1980	Kuguramp
Sarere	7th Jun, 1980	Ketiga
Mande	9th Jun, 1980	Minimp Skul
Tunde	10th Jun, 1980	Koge
Trinde	11th Jun, 1980	Kogmul
Fonde	12th Jun, 1980	Kelua (1)
Fraide	13th Jun, 1980	Kelua (2)
Sarere	14th Jun, 1980	Kagamuga
Tunde	17th Jun, 1980	Tega (1)
Trinde	18th Jun, 1980	Koglamp
Fonde	19th Jun, 1980	Kik
Fraide	20th Jun, 1980	Pulimo

KUI ILEKTORET (TIM 1)

DE BILONG VOT PLES BILONG VOT

Sarere	21st Jun, 1980 (am)	Baisu C.I.S.
Sarere	21st Jun, 1980 (pm)	Kunguma

PROGRAM 4 – MINIGINA ILEKTORET (TIM 1)

DE BILONG VOT PLSE BILONG VOT

Sarere	31st Me, 1980	Ebuga Aid Pos
Mande	2nd Jun, 1980	Balk Aid Pos
Tunde	3rd Jun, 1980	Balk Aid Pos
Trinde	4th Jun, 1980	Kuruk
Fonde	5th Jun, 1980	Tondomong
Fraide	6th Jun, 1980	Tondomong
Sarere	7th Jun, 1980	Kwip Skul
Mande	9th Jun, 1980	Minjigina
Tunde	10th Jun, 1980	Koibuga Aid Pos
Trinde	11th Jun, 1980	Koibuga Skul
Fonde	12th Jun, 1980	Koibuga Skul
Fraide	13th Jun, 1980	Koibuga Skul

Sarere 14th Jun, 1980

Tunde 17th Jun, 1980

Murip

Murip

PROGRAM 5 – BUKAPENA ILEKTORET

(TIM 1)

DE BILONG VOT PLES BILONG VOT

Sarere	31st Me, 1980	Angigi
Sunde	1st Jun, 1980	Paglump
Mande	2nd Jun, 1980	Kundi Hai Skul
Tunde	3rd Jun, 1980	Kundi Hai Skul
Trinde	4th Jun, 1980	Kilig
Fonde	5th Jun, 1980	Bukapena Stesin
Fraide	6th Jun, 1980	Bukapena
Sarere	7th Jun, 1980	Kilimp
Mande	9th Jun, 1980	Kilimp
Tunde	10th Jun, 1980	Wara
Trinde	11th Jun, 1980	Wara
Fonde	12th Jun, 1980	Kwip Skul

PROGRAM 6 – NENGIL ILEKTORET

(TIM 1)

DE BILONG VOT PLES BILONG VOT

Sarere	31st Me, 1980	Keregam Skul
Mande	2nd Jun, 1980	Rugli
Tunde	3rd Jun, 1980	Rugli
Trinde	4th Jun, 1980	Rugli Skul
Fonde	5th Jun, 1980	Nengil Plis Stesin
Fraide	6th Jun, 1980	Nengil Plis Stesin
Sarere	7th Jun, 1980	Nengil Plis Stesin
Mande	9th Jun, 1980	Nengil Plis Stesin
Tunde	10th Jun, 1980	Nengil Plis Stesin
Trinde	11th Jun, 1980	Kum
Fonde	12th Jun, 1980	Kwinga Skul
Fraide	13th Jun, 1980	Kwinga Skul
Sarere	14th Jun, 1980	Kwinga Skul
Tunde	17th Jun, 1980	Wurup
Trinde	18th Jun, 1980	Wurup
Fonde	19th Jun, 1980	Wurup
Fraide	20th Jun, 1980	Nambe

PROGRAM 7 – UPPER NEBILYER

ILEKTORET

DE BILONG VOT PLES BILONG VOT TIM 1

Sarere	31st Me, 1980	Glamug
Mande	2nd Jun, 1980	Glamug
Tunde	3rd Jun, 1980	Mugup
Trinde	4th Jun, 1980	Mugup
Fonde	5th Jun, 1980	Paiagoma
Fraide	6th Jun, 1980	Paiagoma
Sarere	7th Jun, 1980	Kamuga
Mande	9th Jun, 1980	Kamuga
Tunde	10th Jun, 1980	Tsinsibai
Trinde	11th Jun, 1980	Tsinsibai
Fonde	12th Jun, 1980	Tomba
Fride	13th Jun, 1980	Tomba
Sarere	14th Jun, 1980	Pugumung
Tunde	17th Jun, 1980	Pugumung
Trinde	18th Jun, 1980	Tambul (Stesin)
Fonde	19th Jun, 1980	Tambul (Stesin)

PROGRAM 8 – LOWER KAGUL ILEKTORET (TIM 1)

DE BILONG VOT PLES BILONG VOT

Sarere	31st Me, 1980	Marabug
Mande	2nd Jun, 1980	Marabug
Tunde	3rd Jun, 1980	Kombuga
Trinde	4th Jun, 1980	Kombuga
Fonde	5th Jun, 1980	Gia
Fraide	6th Jun, 1980	Gia
Sarere	7th Jun, 1980	Goroka
Mande	9th Jun, 1980	Goroka
Tunde	10th Jun, 1980	Bonga
Trinde	11th Jun, 1980	Bonga
Fonde	12th Jun, 1980	Kopini
Fraide	13th Jun, 1980	Kopini
Sarere	14th Jun, 1980	Yadagua
Tunde	17th Jun, 1980	Yadagua
Trinde	18th Jun, 1980	Alkena
Fonde	19th Jun, 1980	Alkena

PROGRAM 9 – UPPER KAGUL ILEKTORET

(TIM 1)

DE BILONG VOT PLES BILONG VOT

Sarere	31st Me, 1980	Kambagabug
Mande	2nd Jun, 1980	Kambagabug
Tunde	3rd Jun, 1980	Maltaga
Trinde	4th Jun, 1980	Maltaga
Fonde	5th Jun, 1980	Pagapena
Fraide	6th Jun, 1980	Pagapena
Sarere	7th Jun, 1980	Laiagam
Mande	9th Jun, 1980	Laiagam
Tunde	10th Jun, 1980	Opiabug
Trinde	11th Jun, 1980	Opiabung
Fonde	12th Jun, 1980	Kagop
Fraide	13th Jun, 1980	Kagop
Sarere	14th Jun, 1980	Kiripia
Tunde	17th Jun, 1980	Kiripia
Trinde	18th Jun, 1980	Tamal
Fonde	19th Jun, 1980	Tamal
Fraide	20th Jun, 1980	Obuga
Sarere	21st Jun, 1980	Obuga

PROGRAM 10 – UGINI - MAPOA ILEKTORET

DE BILONG VOT PLES BILONG VOT

TIM 1

Sarere	31st Me, 1980	Manki Adi Pos
Mande	2nd Jun, 1980	Ropanda
Tunde	3rd Jun, 1980	Ropanda
Trinde	4th Jun, 1980	Iki Skul
Fonde	5th Jun, 1980	Antinga
Fraide	6th Jun, 1980	Gegl
Sarere	7th Jun, 1980	Gegl
Mande	9th Jun, 1980	Pila
Tunde	10th Jun, 1980	Pila
Trinde	11th Jun, 1980	Patrol Pos (Baiyer Riva)
Fonde	12th Jun, 1980	Kaleta
Fraide	13th Jun, 1980	Kaleta
Sarere	14th Jun, 1980	Hyaporambo
Tunde	17th Jun, 1980	Hyaporambo
Trinde	18th Jun, 1980	Mangip
Fonde	19th Jun, 1980	Mangip
Fraide	20th Jun, 1980	Pokotabuk
Sarere	21st Jun, 1980	Kyakapela

Westen Hailans



INDEPENDEN GAVMAN BILONG PAPUA NIUGINI Ol Lo Bilong Provinsal Ileksen Bilong Westen Hailans Provinsal Gavman Bilong Yia 1979

Ol ples bilong vot bai op long 8 klok moning na pas long 6 klok apinun. De bilong vot bai yu painim long lephan na ol ples long raithan. Sapos wan wan ples bilong vot i op o pas long arapela aua bai yu ken lukim stret long ples ol i raitim ne bilong en.

PROGRAM 11 – SIMU/SIP ILEKTORAT (TIM 1)

DE BILONG VOT	PLES BILONG VOT
Sarere 31st Me, 1980	Tapiagama Skul
Mande 2nd Jun, 1980	Kaleponga
Trinde 4th Jun, 1980	Simbimale
Fonde 5th Jun, 1980	Winyi
Fraide 6th Jun, 1980	Pakalio
Sarere 7th Jun, 1980	Pakalio
Mande 9th Jun, 1980	Dalapawa Skul
Tunde 10th Jun, 1980	Dalapawa Skul
Trinde 11th Jun, 1980	Kulimp Aid Pos
Fonde 12th Jun, 1980	Kulimp Aid Pos
Fraide 13th Jun, 1980	Laka
Sarere 14th Jun, 1980	Laka
Tunde 17th Jun, 1980	Laka
Trinde 18th Jun, 1980	Kuipbaut
Fonde 19th Jun, 1980	Kuipbaut
Fraide 20th Jun, 1980	Kuipbaut
Sarere 21st Jun, 1980	Kuipbaut

PROGRAM 12 – LUMUSA ILEKTORAT (TIM 1)

DE BILONG VOT	PLES BILONG VOT
Sarere 31st Me, 1980	Kumasina Aid Pos
Mande 2nd Jun, 1980	Kumasina Aid Pos
Tunde 3rd Jun, 1980	Nekirap
Trinde 4th Jun, 1980	Nekirap
Fraide 6th Jun, 1980	Kyaimanda
Sarere 7th Jun, 1980	Kyaimanda
Mande 9th Jun, 1980	Kekimale
Tunde 10th Jun, 1980	Kekimale
Trinde 11th Jun, 1980	Pinyapuis Aid Pos
Fonde 12th Jun, 1980	Pinyapuis Aid Pos
Sarere 14th Jun, 1980	Kemogali Aid Pos
Tunde 17th Jun, 1980	Kemogali Aid Pos
Fonde 19th Jun, 1980	Lumis Base Camp
Fraide 20th Jun, 1980	Lumis Base Camp
Sarere 21st Jun, 1980	Lumis Base Camp

PROGRAM 13 – HAGEN ILEKTORAT (TIM 1)

DE BILONG VOT	PLES BILONG VOT
Sarere 31st Me, 1980	Togoba No 2
Mande 2nd Jun, 1980	Keltega
Tunde 3rd Jun, 1980	Beaberi
Trinde 4th Jun, 1980	Kiliga No 2
Fonde 5th Jun, 1980	Tiling
Fraide 6th Jun, 1980	Kungaldi
Sarere 7th Jun, 1980	Korabug
Mande 9th Jun, 1980	Kumunga
Tunde 10th Jun, 1980	Palimp No 2
Trinde 11th Jun, 1980	Palimp No 1
Fonde 12th Jun, 1980	Gebina

PROGRAM 14 – WEST KAMBIA ILEKTORAT

DE BILONG VOT	PLES BILONG VOT
Sarere 31st Me, 1980	Arowa
Mande 2nd Jun, 1980	Waibip
Tunde 3rd Jun, 1980	Waibip

Trinde 4th Jun, 1980	Kongra
Fonde 5th Jun, 1980	Dumagona
Sarere 7th Jun, 1980	Puganijibuk
Mande 9th Jun, 1980	Kugumbaga
Tunde 10th Jun, 1980	Alimp
Trinde 11th Jun, 1980	Paraka
Fraide 13th Jun, 1980	Goal
Tunde 16th Jun, 1980	Wiga

PROGRAM 15 – LOWER NEBILYER ILEKTORAT

DE BILONG VOT	PLES BILONG VOT
Sarere 31st Me, 1980	Pabrabuk
Mande 2nd Jun, 1980	Papakola
Tunde 3rd Jun, 1980	Papakola
Trinde 4th Jun, 1980	Malda
Fraide 5th Jun, 1980	Tega No 1
Sarere 7th Jun, 1980	Nebilyer Stesin
Mande 9th Jun, 1980	Kailge
Tunde 10th Jun, 1980	Kobuga
Trinde 11th Jun, 1980	Yimbika
Fonde 12th Jun, 1980	Koubuga
Sarere 14th Jun, 1980	Olk

PROGRAM 16 – KOL ILEKTORAT (TIM 1)

DE BILONG VOT	PLES BILONG VOT
Sarere 31st Me, 1980	Mants
Mande 2nd Jun, 1980	Olna
Tunde 3rd Jun, 1980	Olna
Fonde 5th Jun, 1980	Djnink
Sarere 7th Jun, 1980	Kaunimkul
Mande 9th Jun, 1980	Bubgile
Trinde 11th Jun, 1980	Kosap
Fraide 13th Jun, 1980	Kurunga

KOL ILEKTORAT (TIM 2)

Sarere 31st Me, 1980	Meginapol
Mande 2nd Jun, 1980	Bubilsunga
Trinde 4th Jun, 1980	Iawaroimul
Fraide 6th Jun, 1980	Gebbal
Mande 9th Jun, 1980	Mane
Trinde 11th Jun, 1980	Mongoum
Fraide 13th Jun, 1980	Kol Stesin
Sarere 14th Jun, 1980	Kol Stesin

PROGRAM 17 – MIDDLE JIMI ILEKTORAT

DE BILONG VOT	PLES BILONG VOT
Sarere 31st Me, 1980	Kaul
Mande 2nd Jun, 1980	Ongomil
Trinde 4th Jun, 1980	Toli
Fraide 6th Jun, 1980	Maegmol
Mande 9th Jun, 1980	Tsenga
Trinde 11th Jun, 1980	Wum
Fraide 13th Jun, 1980	Tinbunki

MIDDLE JIMI ILEKTORAT (TIM 2)

DE BILONG VOT	PLES BILONG VOT
Sarere 31st Me, 1980	Kwiop
Mande 2nd Jun, 1980	Koriom
Tinde 3rd Jun, 1980	Mogini
Fraide 4th Jun, 1980	Magim
Mande 9th Jun, 1980	Manemp
Tunde 10th Jun, 1980	Karap
Trinde 11th Jun, 1980	Korendiu
Fonde 12th Jun, 1980	Tabibuga
Fraide 13th Jun, 1980	Tsingoropa
Sarere 14th Jun, 1980	kwibun

PROGRAM 18 – LOWER JIMI ILEKTORAT (TIM 1)

DE BILONG VOT	PLES BILONG VOT
Sarere 31st Me, 1980	Kanambe
Mande 2nd Jun, 1980	Yimbugema
Trinde 4th Jun, 1980	Bokpai
Fraide 6th Jun, 1980	Tsuwenkai
Mande 9th Jun, 1980	Kompiai
Trinde 11th Jun, 1980	Kupeng
Fraide 13th Jun, 1980	Kwima
Tunde 17th Jun, 1980	Togban

LOWER JIMI ILEKTORAT (TIM 2)

DE BILONG VOT	PLES BILONG VOT
Sarere 31st Me, 1980	Tsendiap
Mande 2nd Jun, 1980	Meren
Tunde 3rd Jun, 1980	Meren
Fonde 4th Jun, 1980	Tsanap
Sarere 7th Jun, 1980	Waim
Mande 9th Jun, 1980	Gondombem
Fonde 12th Jun, 1980	Ginjinji
Sarere 14th Jun, 1980	Sembant
Tunde 17th Jun, 1980	Kandambamp

PROGRAM 19 – BANZ ILEKTORAT (TIM 1)

DE BILONG VOT	PLES BILONG VOT
Sarere 31st Me, 1980	Kimil
Mande 2nd Jun, 1980	Kimil
Tunde 3rd Jun, 1980	Bung Bunomwo
Trinde 4th Jun, 1980	Bung Bunomwo
Fonde 5th Jun, 1980	Koskal No 1
Fraide 6th Jun, 1980	Koskal No 1
Sarere 7th Jun, 1980	Koskal No 2
Mande 9th Jun, 1980	Koskal No 2
Tunde 10th Jun, 1980	Kilip
Trinde 11th Jun, 1980	Kilip
Fonde 12th Jun, 1980	Molka
Fraide 13th Jun, 1980	Molka
Sarere 14th Jun, 1980	Dumbolo (Banz)
Tunde 17th Jun, 1980	Dumbolo (Banz)
Tinde 18th Jun, 1980	Talu
Fonde 19th Jun, 1980	Talu
Fraide 20th Jun, 1980	Kendu
Sarere 21st Jun, 1980	Bolmba

Westen Hailans



INDEPENDEN GAVMAN BILONG PAPUA NIUGINI

Oi Lo Bilong Provinsal Ileksen Bilong Westen Hailans Provinsal Gavman Bilong Yia 1979

Ol ples bilong vot bai op long 8 klok moning na pas long 6 klok apinun. De bilong vot bai yu painim long lephan na ol ples long raithan. Sapos wan wan ples bi-bilong vot i op o pas long arapela aua bai yu ken lukim stret long ples ol i raitim ne bilong en.

PROGEM 20 – NONDUGL ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Sande	8th Jun, 1980
Mande	9th Jun, 1980
Tunde	10th Jun, 1980
Trinde	11th Jun, 1980
Fonde	12th Jun, 1980
Fraide	13th Jun, 1980
Sarere	14th Jun, 1980
Sande	15th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980
Fraide	20th Jun, 1980
Sarere	21st Jun, 1980

PROGEM 21 – MINJ ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Mande	8th Jun, 1980
Tunde	10th Jun, 1980
Trinde	11th Jun, 1980
Fonde	12th Jun, 1980
Fraide	13th Jun, 1980
Sarere	14th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980
Fraide	20th Jun, 1980
Sarere	21st Jun, 1980

PROGEM 22 – KUDJIP ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Mande	9th Jun, 1980
Tunde	10th Jun, 1980
Trinde	11th Jun, 1980

Fonde	12th Jun, 1980
Fraide	13th Jun, 1980
Sarere	14th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980
Fraide	20th Jun, 1980
Sarere	21st Jun, 1980

PROGEM 23 – EAST KAMBIA ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Mande	9th Jun, 1980
Tunde	11th Jun, 1980

PROGEM 24 – GUMANTS ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Mande	9th Jun, 1980
Tunde	10th Jun, 1980
Trinde	11th Jun, 1980
Fonde	12th Jun, 1980
Fraide	13th Jun, 1980
Sarere	14th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980
Fraide	20th Jun, 1980

PROGEM 25 – KINJIBI ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980

Tunde	3rd Jun, 1980
Trinde	4th Jun, 1980
Fonde	5th Jun, 1980
Sarere	6th Jun, 1980
Mande	7th Jun, 1980
Tunde	10th Jun, 1980
Trinde	11th Jun, 1980
Fonde	12th Jun, 1980
Fraide	13th Jun, 1980
Sarere	14th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980
Fraide	20th Jun, 1980
Sarere	21st Jun, 1980

PROGEM 26 – KOTNA - TIGI ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Mande	9th Jun, 1980
Tunde	10th Jun, 1980
Trinde	11th Jun, 1980
Fonde	12th Jun, 1980
Fraide	13th Jun, 1980
Sarere	14th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980

KOTNA – TIGI ILEKTORET (TIM 1)

DE BILONG VOT	PLES BILONG VOT
Sarere	31st Me, 1980
Mande	2nd Jun, 1980
Tunde	3rd Jun, 1980
Trinde	4th Jun, 1980
Fonde	5th Jun, 1980
Fraide	6th Jun, 1980
Sarere	7th Jun, 1980
Mande	9th Jun, 1980
Tunde	10th Jun, 1980
Trinde	11th Jun, 1980
Fonde	12th Jun, 1980
Fraide	13th Jun, 1980
Sarere	14th Jun, 1980
Tunde	17th Jun, 1980
Trinde	18th Jun, 1980
Fonde	19th Jun, 1980
Fraide	20th Jun, 1980
Sarere	21st Jun, 1980

Mi raitim long de namba 21 long mun Me, 1980

R.T. KAIULO

Namba tu Komisina bilong lukautim ileksen



Putim Tambu Long Raun

Dia ol wantok — Yupela inap givim liklik spes long mi, mi gat liklik wari bai mi laik rait i go long olgeta wantok.

Bipo taim Australia i bin lukautim yumi. olgeta samting i no save lus. I no save putim i go insait long waia banis. Olgeta samting i save putim nabaut nabaut long ples kliia. I no save lus tru.

Olgeta haus bilong yumi, ka bilong yumi ol opis nabaut i no gat mak mak. Tasol i stap nau, olgeta opis na olgeta ka na haus ol i bagarap nabaut.

Bipo em ol samting i stap gut. Em i olsem Australia i tambuim ol man i no ken raun long nait. Taim olsem 10 klok o 11 klok tambu tru. Na ol plisman ol i ken kisim ol man i raun long nait na putim ol i go long kalabus tasol.

Husat man raun long nait em raskol tru? Bai yumi ken save olsem wanem em i raskol? Olgeta man i raun na kisim ol samting. Brukim stua o ka o haus samting, olgeta samting i bagarap nau.

Ailo Arapa
S.H.P.

“Wong Noora” Gen

Dia Edita — Mi laik bekim pas bilong brata ya, John Lijoe. Pas bilong em i bin kamap long Wantok Niuspepa namba 317. Mi laik kliaim dispela “Wong Noora”.

Long taim mi lukim dispela Wong Norra. Mi bin lukim long ensaiklopedia na dispela em tok Latin i min olsem long tok pisin “Givim mi hap”. Na sapos yu karim samting bai ol i eskus olsem mi yusim “Wong Noora”.

Mobeta yu mas go long bikpela laibri na yu yet lukim gud. Na em i sem olsem wanpela hap tok bilong Siwai na ol wan wan man ol i save yusim.

Yu mas traim na go long laibri na lukim gut. Nogut yu ting, mi giamanim yu. Yu mas lukim long ensaiklopedia long “W”.

Manki Siwai.
Paul Panga.

Mas Putim Nem

Dia Edita — Plis putim wari bilong mi long Wantok Niuspepa.

Olgeta taim mi save harim long NBC redio long taim ol anaunsa i save go long soka graun na katim daun pilai soka gen bilong primia. Na ol i save putim kamap long NBC redio.

Mi save harim sapos Maegin tim i save pilai wantaim PWD o Solo na ol anaunsa bai ol i no inap long kolim nem bilong ol pilaia bilong Maegin.

Sapos narapela tim

en bai ol i kolim ol nem bilong ol pilaia. Tasol ol pilaia bilong Maegin ol i no inap kolim.

Na tu long Wantok Niuspepa tu mi bin lukim ol wokman bilong Wantok i kisim planti poto bilong ol pilaia bilong Maegin. Na putim tasol long pepa. Em i no kisim nem bilong ol tu. Nogat. Em i kisim poto nating tasol.

I no gutpela long kisim poto tasol.

Buang Manki,
Boroko, Sentral Provins

Laip long PNG



No waris. Mipela redi tasol long Saut Pasfik Festival ov Ats.



Ol manki i amamas stret. Yut klap bilong ol, kisim pinis K7,500 long gavman. Ol manki i bilong Porebada Vilies klostu long Mosbi. Ol i gat 30 memba long klap bilong ol. Nem bilong klap em Bese Pising Klap. Mista Joseph Aisa, Minista bilong Fores Afeas na Memba bilong Kairuku Hiri i givim ol samting long ol. Ol i kisim wanpela dingi, wanpela kanu, tupela moto na 12-pela umben. Ol i kisim long Trinde 11, Jun.



IS NU BRITEN PROVINSAL GAVMAN. STAT BILONG OL AIDIA.

Aninit long spesel lo bilong 1979 bilong putim mak long ol ilektoret bilong Is Nu Briten provinsal gavman, Baundris Komisn i mas soim stat bilong ol aidia bilong em long ol pipel. Na em i mas askim ol pipel long lukim ol dispela aidia na tingting gut long ol bipo Baundris Komisn i givim i go long primia long lukim na tokim Is Nu Briten Provinsal Asembli long en.

Tasol bipo long em i givim ol dispela aidia i go long primia, Baundris Komisn bai skelim gut tingting na tokbek bilong ol pipel long ol dispela aidia bilong Komisn. Na tokbek bilong ol pipel i mas kam insait bipo long 12 Ogas, 1980.

Sapos yi gat tokbek long ol dispela aidia bilong Komisn, yu mas mitim na salim i kam long:

Th Chairman
East New Britain Boundries Commission
C/- Electoral Commission
P.O.Box 5348
BOROKO.
National Capital District.

Ruben Tuakana Kaiulo
Siaman
Is Nu Briten Ilektoral BAundri Komisn.

Wantok

Wantok Niuspepa i lukautim wanpela nius ripota long wok long Wantok Niuspepa. Dispela man o meri i mas:

1. pinisim skul long Senia Hai o Yunivesiti
2. i gat laik tru long wok na ripot long Tok Pisin
3. save gut long wok ripota o laik lainim dispela kain wok.

Yu husat i gat tingting long aplai long kisim dispela wok rait i kam long:

Sief ov Staf
Wantok Niuspepa
Box 1982
Boroko



CENTRAL PACIFIC



Notis

Ol prais bilong ol skin pukpuk yupela i bin lukim i stap insait long Wantok Niuspepa bilong Sarere 14 Jun, ol i no prais mipela i save peim. Nogat.

Sapos yu laik save long prais tru bilong ol skin pukpuk, plis askim ol dispela lain ya:

Central Pacific Import/Expot
C/- Wards Air Cargo
Port Moresby

O yu ken ringim ol long dispela telepon namba 21-1623 o 21-1635

Mipela i laik tok, sori tru long mipela i bin kamapim sampela asua long dispela tok save mipela i bin putim pastaim ya. Mipela i amamas tru long wok bisnis wantaim yupela yet.



long mi. Yupela i laik sapotim o tok kros long mi rait tasol i go long Wantok Niuspepa.

Jack.K.E. Malke Viles, Tambul.



Putim Notis

Dia Edita — Plis mi laik yu givim mi liklik spes bai mi putim wari bilong mi. Wari i go olsem.

Hia long Hagen ol Kaunsil i no raitim notis long tokim ol man long no ken tromoi pipia long taun.

Olsem na ol man bilong longwe ples ol i save kam long Hagen na ol i tromoi pipia long taun na ol wokman bilong Kaunsil, ol i save lukim na sasim ol long baim K10.00.

Tok mi laik tok em, ol i mas raitim notis na sanapim long ol ples insait long taun. Olsem tasol bai ol pipel i ken lukim na i no ken tromoi pipia.

Em tasol wari bi-

Bas Kampani Mas Wok Gen

Dia Edita — Inap yupela givim mi liklik spes long mi olsem bai mi ken autim liklik wari bilong mi. Nau em mi laik autim wari bilong mi i go olsem.

Yes, ol wantok brata na susa, ating yumi harim long redio olsem, gavman na ol yunion memba i pait long maus bilong ol long opim bas

kampani gen. Na bai em i gutpela long lukim bas kampani i wok gen long siti bilong yumi long Mosbi.

Long tingting bilong mi na harim bilong mi long toktok bilong praim minista bilong yumi, Sir Julius Chan na ol memba bilong yunion, ating em i tru. Na mi yet i sapotim dispela tok-

tok bilong praim minista.

Long wanem i no rong bilong gavman long rausin bas kampani. Em i rong bilong yupela ol draiva bilong draivim bas. Olsem na bas kampani i bruk daun nau, long wanem, yupela i no save wok stret.

Tu mi gat tingting olsem, sapos bas kam-

pani i kirapim wok gen, orait, wan wan bas draiva i mas i gat boskru long kisim mani bilong ol pasindia i laik i kam insait long bas, olsem ol PMV i save wokim. Ating dispela kain bai bas kampani i ran gut.

Em tasol. Sapos wanpela draiva o menesa o yu husat wantok i sapotim mi

o egensim mi, orait, raitim pas tasol long ol wantok bilong yumi ol niusman na bai mi ken amamas tasol long ritim.

Joe Jackson Pot Mosbi.

Salim ol pas i kam long:

WANTOK
BOX 1982
BOROKO

Singsing Tumbuan

Dia Edita — Mi stap long Aitape, W.S.P. Mi wanpela man bilong WNB long hap bilong Cape Gloucester. Mi save tanim redio i go long Kimbe na mi save harim ol man bilong Vitu ol i singsing tok ples singsing Tumbuan.

Tasol mi sori tumas long yupela ol man bilong singsing Tumbuan. Mi harim na i no stret tru.

Ol i singsing nating tasol. Ol i no save long mining bilong

dispela singsing Tumbuan. Mi as tru bilong dispela singsing Tumbuan. Mi as tru bilong mi, olsem na mi komplem long dispela.

Sapos ol man bilong Siassi i singsing long Tumbuan, em i sing Tumbuan. Na ol bilong Siassi ol i save sel long kanu bilong ol i kam long mipela long Kilege. Na orait, Siassi i save bung wantaim mipela long Kilege na mipela i save singsing wantaim na ol Siassi i save long mining bilong sing-

sing Tumbuna. Na ol i save singsing Tumbuan na i gutpela tru.

Sori tumas long yupela ol man bilong Vitu. Yupela i bin singsing long dispela singsing Tumbuan tasol em i no tok ples bilong yupela. Em i tok ples bilong mi stret bilong Kilege.

Olsem mi harim yupela i bin singsing long redio Kimbe na i no stret tru.

Tenkyu tru.

Aigilo Sagea, Aitape, W.S.P.

Larim Nem Karkar

Dia Edita — Mi lukim pinis pas bilong Arkuss Yukura long Wantok, Sarere Me 17, pes 13. Mi laik bekim pas bilong em olsem.

Sori tumas, yu tok em nem Karkar i no nem bilong ol tumbuna, na yu ting ol waitman i givim dispela neru long ailan bilong yu.

Nau mi gat wanpela dikseneri bilong tok Graged wantaim tok Inglis em John Mager bilong Luteran misin i wokim long yia

1952. Em rait long Karkar long pes 40 olsem.

Kazakaz, long tok Takia Kara Kar, em i wanpela ailan. Longwe bilong em 12 mail long Mugil na 52 mail long Madang.

Long Jeman taim ol save Kolim KarKar tasol. Na dispela nem i stap inap 1914 taim Australia i kam kisim Jeman Niugini. Nau ol i kolim em Daiempier.

Dampier em i wanpela Inglis nevi-

geta, em i raun long bikpela solwara ol i kolim Pasifik. Em Dampier tasol i namba wan waitman i lukim Kar Kar long Epril 1, 1701.

Olsem nem Kar Far em nem bilong Niugini stret na nem Dampier em nem bilong ol waitman.

Tok bilong mi em tasol.

Tamoltabon Sion, Madang.

Bisop tambuim ol paitman

Bisop Raymond Caesar, Katolik Bisop i save lukautim Sios long Simbu, em i putim bikpela tambu long ol Katolik i pait long Simbu Provins.

Em i salim wanpela tok save i go long ol. Long dispela tok save, Bisop Caesar i tokaut olsem:

"Insait long sampe-la wik nau i gat sampe-la pasin nogut tru i bin kamap insait long Simbu Provins. Mi tok long pait i bin kamap long hap bilong Kup na Mingende na Chuave."

arapela man. Mi putim tambu long ol manmeri ol i save brukim haus bilong ol yet, na bihain ol i singaut long pe bilong dispela."

"Mi tambuim ol dispela kain manmeri



Bisop Raymond Caesar

"Pasin bilong kilim man i dai, na katim bodi bilong em liklik liklik, na katim han lek bilong em - dispela em i no Kristen Pasin. Dispela pasin i brukim Lo bilong God."

"Olsem, mi putim tambu nau long ol man i pait na kilim indai na katkatim bodi bilong narapela man. Mi putim tambu long ol meri i go nabaut stilim kaikai long ol gaden long taim bilong pait. Mi putim tambu long ol pipel i brukim na kukim haus bilong ol

long kisim Komunio na ol arapela sakramen. Dispela tambu i karamapim ol Katolik bilong Simbu, em ol i

mekim kain pasin olsem. Tambu bai stap inap long taim ol manmeri ya i kisim bek pasin bilong bi-

hainim Lo bilong God na bilong kantri. Yumi olgeta i mas sindaun isi na wok gut wantaim ol arape-

la manmeri. Em i Lo bilong God."

"Sapos ol Katolik ya i sori long rong bilong ol, na ol i laik kisim gen ol sakramen, orait, ol i mas sindaun toktok pas-taim. Ol i mas toktok wantaim ol lida bi-

long Sios na ples bilong ol. Na ol i mas stretim tok wantaim man i makim bisop."

Mi, Bisop Raymon Caesar, i bin raitim dispela tok. Mi namba tu bisop bilong Goroka.

MIPELA SAVE MEKIM OLKAIN WOK BILONG BENG

☆ Pas Buk

☆ Sek Buk

☆ Man i ken putim mani long beng na winim profit mani

☆ Sapos yu kisim narakain mani bilong wanpela arapela kantri, beng i ken senisim i kamap kina na toea.

☆ Ben i ken stretim olgeta tiket bilong yu, sapos yu laik go lukluk raun long arapela kantri.

Bank of New South Wales (PNG) Ltd.

Mipela amamas tru long helpim yu

OL MAN I SANAP RESIS
LONG ILEKSEN

WES NU BRITEN
PROVINSAL GAVMAN

JENERAL ILEKSEN - 1980



Mipela i laik to save long ol manmeri olsem taim bilong sanap resis long ileksen bilong Wes Nu Briten Provinsal Gavman, em i pinis stret long Trinde 30 Epril, 1980. Daunbilo, em yu inap lukim nem bilong ol man i sanap resis long dispela ileksen. Ol dispela nem bai stap olsem tasol long vot pepa.

A. TALASEA ILEKTORET

1. Mango Goru
2. Augustine Vava
3. Andrew Nuli
4. John Raka Wakore
5. Martin Meta
6. Besi Lautu
7. Joe Matasowos
8. Pake Tangole
9. Henry Loke Ugambu

B. KANDRIAN COASTAL ILEKTORET

1. John Amun
2. Henry Maisan
3. Julius Parakio

C. PASSISMANUA ILEKTORET

1. Michael Miro
2. Joseph Lehen

D. EAST ARAWE ILEKTORET

1. Lawrence Kalal
2. Timothy Tongias
3. Paul Nakmai
4. Sapu Moengo

E. BARAIAI ILEKTORET

1. Alois Mataio
2. Paul Kalolo
3. Paul Koiapa

F. KALIAI ILEKTORET

1. Bill Vagelo
2. Ande Kalo
3. Risionga Torot
4. Aura Francis
5. Martin Arekan
6. Joachim Kais

G. KILENGE/LOLO ILEKTORET

1. Sari Naoga Kewaka
2. David Nasar
3. Jerry Navoge
4. Theodore Gamaua
5. Michael Kewaka Eigionamongo
6. Patrick Pupua David

H. WES ARAWE ILEKTORET

1. Thomas Garai
2. Peter Wain

I. IS KOMBE ILEKTORET

1. Andrew Giva
2. Kaluai Luke
3. Bae Kaogo

J. GIMI/RAUTO ILEKTORET

1. Thomas Aiput
2. Pangol Aking
3. Isidore Kaileng
4. Joseph Taliana
5. Michael Kalupio

K. KIMBE ILEKTORET

1. Andrew Taroa
2. Moris Ling
3. Pato Bula

4. Samson Patiliu
5. Theodore Baisi

L. WES GASMATA ILEKTORET

1. Tungtung Soput
2. Paul Manlel
3. Steven Posi

M. BALI ILEKTORET

1. Tangogola Buo
2. John Matana Tivu.
3. Steven Ephoff
4. Baribari Kovoriu
5. John Mataio
6. Galunga Bave

N. IS NAKANAI ILEKTORET

1. John Taupoa Koale
2. Augustine Saeke
3. Michael Maela
4. Ludwige Tabueka

O. SENTRAL NAKANAI ILEKTORET

1. Soa Ubia
2. Timothy Oa
3. Alois Mimbuna
4. Francis Waite

P. WITU ILEKTORET

1. Malachi Kele
2. Paul Galo
3. Peter Mara Mauli
4. Mathias Micah

Q. WES NAKANAI ILEKTORET

1. Maranglik Tobob
2. Stephen Vinalu
3. Eliakim Ragi
4. Eruel Soluma
5. Theodore Kaiwa
6. Alois Bata

R. BIALIA ILEKTORET

1. John Nom
2. John Maneke
3. Andrew Mato
4. Boas Malilige
5. Stephen Malken

S. IS GASMATA ILEKTORET

1. Julius Usingit
2. Hoseph Okelio
3. Polo Usingit
4. Lukas Amon

T. MOSA ILEKTORET

1. Moses Nahia
2. Michael Tobate
3. Juleka Kuapo
4. Joe Wagi
5. Siwi Kaigil
6. Alois Liliura

Man Painim Brus



Bipo tru, i no gat brus smok long Irafo viles long Kainantu sab provins long Isten Hailans.

Long wanpela taim olgeta manmeri i go insait long bus bilong painim abus. Long dispela taim san i hat nogut tru. Na long nait, man, mun, i save lait gut tru.

Olgeta manmeri na pikinini i pulim lain i go long bus. Na wanpela man wantaim pikinini bilong em tasol i stap long ples. Tupela i stap i go i go na pikinini i kirap na askim papa, ol man na meri olgeta i go long bus long painim abus na mitupela i olsem wanem? Papa i tok, oyes pikinini, mitupela i mas bihainim ol i go.

Tupela i taitim banara na kisim ol spia pinis nau na tupela i wokabaut i go long bus. Tupela i go painim painim ol abus tasol i laik tudak nau na tupela i no sutim wanpela samting yet. Olsem na tupela i wokim paia na slip.

Narapela moning, tupela i kirap na painim abus gen. Tupela i painim i go i go na tupela i sutim wanpela kapul. Long tok ples ol i kolim "wanume".

Pikinini i tokim papa, mitupela i go kukim long ples. Tasol papa i tok, nogat. Mitupela i mas kukim long hia na kaikai i go long ples. Em i tokim pikinini bilong em olsem, yu wari long wan-

em?

Orait nau na tupela i stat long wokim paia. Pikinini i go mumutim paiawut na papa bilong em i go katim diwai bilong rausim skin bilong kukim kapul long en. Tupela i kam wantaim nau na tupela i tingting long painim wanpela samting long kukim wantaim kapul.

Papa i go raun na lukim wanpela diwai i pun-daun i stap long graun. Na dispela diwai i pun-daun na i sting pinis. Antap long dispela diwai, wanpela stik brus stret i gro i stap. Na lip bilong en i luk bikpela na gutpela.

Na lapun papa ya em i ting gutpela lip bilong kaikai. Em i kisim planti lip i go na tupela pikinini bilong em i katim bel bilong kapul na rausim. Pinis nau na tupela i putim mit bilong kapul insait long lip brus na mekim mekpas.

Tupela i mekim pinis na pasim long skin diwai ya putim antap long paia. Tupela i stap isi tasol na tantanim dispela karamap kaikai. Longtaim liklik nau na tupela i save olsem kaikai i tan pinis orait, tupela i rausim long paia.

Maus bilong pikinini i stat wara nating na em i tokim papa bilong em olsem, papa, mi traim sup pastaim. Em i swit o nogat. Em nau, liklik boi ya em i kirap opim mekpas kaikai na em i kisim tupela lip brus na em i subim tasol i go insait long

maus bilong em.

Man, lip brus i pait nogut tru na boi ya em i spet nabaut. Papa bilong em i kirap na askim em, pikinini, olsem wanem? Liklik boi ya i kros nogut tru na em i tok, dispela sup i pait nogut tru.

Papa i hatim tru lap long pikinini bilong em. Na em i tok, pikinini, sapos yu kaikaim mit bilong kapul em i no inap pait olsem dispela sup ya. Em i gutpela abus.

Papa yet i kirap kisim kapul na kaikai. Em i traim na i tok, ya, dispela samting tu i pait. Dispela kapul i pait tu, long wanem, wara bilong ol lip brus i go insait long ol pinis. Tarangu, tupela ya i no gat kaikai.

Papa i tokim pikinini bilong em long i go kisim wanpela lip brus i kam. Boi ya i go kisim i kam pinis na papa i hatim antap long paia. Taim lip brus i drai pinis, em i wokim smok.

Em i traim pulim, man, i no pilai. Em samting tru ya. Tupela i go kamautim stik brus na karim i go planim long ples.

Long taim pikinini brus i kamap, olgeta arapela man long ples i kisim na i go planim. Nau na olgeta manmeri save long dispela samting na brus i planti tru nau.

K. Kenawi,
Kimbe, Wes Nu Briten
Provins

Tempel Bilong God

1 King 8:1 - 10:1

OL MAN I MEKIM HATWOK INAP 7-PELA YIA, NA OL I PINISIM DISPELA NAMBA WAN HAUS LOTU BILONG GOD, NA HAUS I BILAS NOGUT TRU. OL MANMERI PIKININI BILONG OLGETA HAP BILONG ISREL I KAM BUNG LONG JERUSALEM NA OL I LUKIM OL PRIS I KARIM BOKIS BILONG KONTRAK I GO INSAIT LONG TEMPEL. OL I KARIM I GO INSAIT LONG RUM HOLI TRU. DISPELA RUM I TUDAK OLGETA NA I NO GAT WINDO, NA BIKPELA LAPLAP I BANISIM. NA OL I PUTIM BOKIS KONTRAK ISI ISI LONG PLUA ANINIT LONG WING BILONG TUPELA ENSEL OL I BIN WOKIM LONG GOL.



NA LONG AI BILONG OLGETA MANMERI BILONG ISREL, SOLOMON I BETEN.

TASOL SOLOMON I NO WOKIM TEMPEL TASOL. EM I LAIK WOKIM BIKPELA HAUS BILONG EMEYET. OLSEM NA BIHAIN LIKLIK OL I STAT LONG KIRAPIM HAUS BILONG EM.

BIKPELA I NO GAT WANPELA GOD I OLSEM YU. LUSIM SIN BILONG MIPELA MANMERI BILONG YU NA SOIM ROT LONG MIPELA. OLSEM YU BIN SOIM ROT LONG MOSES TAIM MIPELA I KAM AUSAIT LONG ISIP.



O SOLOMON DISPELA HAUS BAI I KAMAP NAIS MOA NA BILAS TRU. MI LAIK MEKIM JERUSALEM I KAMAP GUTPELA TAUN TRU.

NA OL KANTRI NABAUT I SALIM OL NARAKAIN PRESEN I GAT BIKPELA PE. OL SIP BILONG AFRIKA NA AREBIA I BRINGIM PLANTI SAMTING I KAM.



LUKIM OL PISIN FIKOK NA OL KOM BILONG ELEFAN. SAPOS YU I OLSEM SOLOMON, MASKI OL SAMTING I GAT WOK O NOGAT, YU KEN KISIM TASOL!

TASOL I NO OLGETA MAN BILONG ISREL I GAT PLANTI SAMTING. NA SAMPELA MANMERI I GAT KROS.

EM HIA HAP KON BILONG TAKIS BILONG OL HOS BILONG SOLOMON A, MI LES LONG TAKIS.



Komik hia i kamap plnis long buk. Yu inap balm long olgeta Kristen Buk Stua.



Gavman bilong PNG i mas tok save gut long ol pipel long we ol bikpela kampani i save ron. Em i mas mekim dispela tok save bihain long taim ol i larim ol kamapni i kam insait long PNG na wokim bisnis. Dispela tingting em i wanpela long ol Sampel tingting ol wokman bilong sios i autim insait long wanpela kibung ol kantri Filipins long mun Me. Dispela 5 wik kibung i kamap long helpim ol sios lida na woka long lukim na skelim laip bilong ol pipel bilong Filipins. Na olsem bihain ol i kem skelim laip long kantri bilong ol yet.

Tripela sios lida insait long Katolik Sios long PNG i go long dispela kibung long Filipins. Em John Konalili, wanpela wokman long Wassisi yut developmen senta long Aitape, Wes Sepik. Na Misis Immaculata Kereku, presiden bilong Katolik Wimens Asosiesin bilong PNG na meri bilong Damien Kereku Memba long Nesenel Palamen. Narapela man em Vincent Mumbrau tokman bilong Katolik Sios insait long Sandaun provinsal gavman.

Sande Lotu

Frank Mihalic

13 Julai 1980 —

SANDE NAMBA 15 BILONG SIOS YIA

Luk 10: 25 — 37.

Long Gutnius bilong tude, Jisas, long pasin bilong em, i wokim wanpela stori nating bilong skulim ol man i wari tumas long bihainim lo na maski long wari long ol arapela pipel.

Yumi save gut long dispela stori bilong gutpela man bilong Sameria. Em i wokabout long haiwe na i painim wanpela man i birua long lain bilong em. Tarangu ya i slip i stap. Ol stilman i bin bagarapim em na em i laik indai. Bipo wanpela pris na gen wanpela loman i kamap na i lukim tarangu ya, na tupela i go pas olgeta na i no helpim em liklik. Tasol dispela man bilong Sameria i marimari. Em i pasim ol sua bilong sikman, na i bringim em i go long hotel, na yet i baim hotel bilong man inap long em i orait gen. Na Jisas i pinisim stori na i tok: "Yu go na yu mekim wankain."

Dispela stori i pas tru long yumi ol Papua Niugini. Planti taim yumi kamap long wanpela tarangu, na namba wan samting yumi save askim: em wantok bilong mi o nogat? Kristen tru i no save askim olsem. . . Man bilong Sameria em i bilong lain i birua bilong dispela tarangu i bagarap i stap.

Yu olsem wanem, taim yu kamap long wanpela tarangu olsem? Ating yu olsem pris o loman? Tupela i luk olsem holiman. Tupela i save pasim han na pasim ai long prea. Tasol tupela i pasim han na i pasim ai tu long taim bilong helpim narapela man i painim birua.

O yumi sanap nating na i lukim tarangu i karim pen ya na yumi tok: "Watpo dispela man i longlong na i wokabout long nait long dispela rot? Dispela man em i no wantok bilong mi. . . em i bilong longwe ples. Sapos mi yet i bagarap olsem, husat inap long marimari long mi? Ating i no gat man. Na watpo mi mas mekim doti han bilong mi nau. . . ? Na nogut mi go helpim dispela man nau, bai

ol plisman i painim mi na mi mas go long kot. Na tu, nogut ol Wantok bilong em i ting mi yet i paitim em, na ol i bekim long mi. . . Maski. . . larim em i stap."

Tasol dispela man bilong Sameria i no mekim olsem long stori. Nogat. Nau tasol em i pasim donki, em yet i go helpim tarangu. Na em i mekim fri na i lusim mani long helpim em. Dispela Sameria i no wari long kamap let na bihaintaim long ples. Maski, em i mas bungim sampela pren o bisnisman. . . Nau tasol em i painim wanpela man i bagarap na em i mas helpim em nau yet. Orait, em yet i mekim doti han bilong em. Em i wasim na pasim sua bilong sikman ya. . . Em i putim em antap long donki bilong em, na em yet i wokabout long lek. Na em yet i baim hotel bilong sikman. . . .

Planti taim yumi Kristen i save kamap wantu na painim man o meri i gat o trabel o asua. Na yumi save mekim wanem samting? Sapos yu lukim PMV draiva o man i draivim ka na em i plantim ka long baret arere long rot? Yu save helpim em. . . o yu singaut pastaim long pe? O sapos waitman i draiv na ka bilong em i no gat bensin, yu draiv i go pas tasol na larim em i stap? O sapos em yet i wokabout painim bensin, yu save larim ka bilong em i stap? O yu stilim wil na taia na kain kain samting bilong em? O sapos balus i no kam na man wantaim famili em i pas i stap long ples balus. I no gat ples bilong ol bilong slip. . . na ol i hangre. Yu lukim ol na yu mekim wanem? Yu tok: em i no samting bilong mi? O sapos tupela ka i bam o wanpela i painim birua, na planti man meri i bagarap na ol i slip i stap long rot? Yu save karim ol nating i go long haus sik. . . long ka o trak bilong yu. . . na i no gat pe bilong dispela samting?

Long stori bilong tude Jisas i laik tok olsem: "Sapos yu Kristen tru, yu save mekim ol dispela kain samting. Na yu no save askim sapos dispela tarangu i wantok o nogat."

TOK SAVE

Tok Save i go long Mista Faro Iminjo. Yu bin lusim Muliraka, Enga provins insait long yia 1962. Tasol, mipela olgeta lain bilong yu, mipela i no klia gut long wanem hap tru bilong PNG yu stap. Plis sapos yu lukim dispela tok save bilong mi orait yu mas rait o ringim mi. Em hia telipon na adres bilong mi; Luk Kulipand, BCL - Box 599, Arawa, NSP. Telipon - 95 8022 ext 689. Mi Luk Kulipand, Panguna Camp 10.

Tok save olsem long Sande 26 Me, Aitape Wokas Yunion i holim wanpela kibung bilong Wokas Asosiesen. Long dispela kibung mipela pasim olgeta toktok bilong dispela han opis bilong Wokas Yunion na mipela i rejistaim Yunion bilong mipela. Pepa i stap nau long rejistresen opis bilong bikpela Yunion kongres long Mosbi. Mipela i baim tu, 150 sea insait long Invesmen koporesen long dispela yia. Em liklik tok save tasol. Mi Justin Teigapo Aitape Wokas Yunion.

Salim tok save i kam long:

TOK SAVE,
BOX 1982,
BOROKO.

Stretim Tok

1	2	3		4	5	6
	7		8	9		
10		11				
12	13	14				
		15		16		
17			18		19	
20		21				

Namba 83:


Stret: 1. Savem bilong stretim sik. 5. Em i min olsem 'bipo long taim belo'. 7. Hap bilong haus. 9. Nem bilong meri. 10. Olsem yau. 11. Taim skul i no gat pepa ol i yusim dispela long raitim. 12. Wanpela sik nogut long PNG. 15. Liklik meta i kamap long Inglan. 17. Narapela nem long 'taim belo'. 18. Olsem numonia sik sotwin. 20. Liklik pe yu mas peim bilong kisim wanpela samting. 21. Braupela marasin bilong kilim ol jermis long sua.

Daun: 1. Samting yu lukim taim yu slip. 2. Olsem 'pre, beten' long tokples Latin. 3. Sik kol. 4. Hap bilong pes. 5. Em i min 'egens' o 'arasait' long wanpela samting long tokples Latin. 6. Em posin bilong kilim sik. 8. I no sampela tasol. 13. Sotwe long raitim "Australian National University". 14. Samting bilong karamapim ol sua (na em olsem wanpela nem bilong saina man). 16. Pikinini bilong plant. 19. Sotwe long raitim 'binen'.

Ansa Bilong Namba 82:

Stret: 1. Kristen. 6. Aua. 8. Ian. 9. Trio. 10. Isi. 12. Unsio. 14. Lotu. 17. Slo. 18. Ia. 19. Ami. 20. De. 21. Kriesen.

Daun: 1. Katolik. 2. Ruru. 3. Sios. 4. Tai. 5. Nois. 7. Ain. 11. Sol. 13. Isi. 15. Oar. 16. Tai. 20. De.



BIABIA





**DIPLOMA
IN
MAGISTERIAL STUDIES**

The Magisterial Service on behalf of the University of Papua New Guinea is now calling for applications from young men and women with the right qualifications to be trained for positions as Magistrates.

IF YOU

(i) have passed form 6 or have an equivalent qualification;

OR

have passed Form 4 and have some other experience and tertiary qualification which merit special consideration;

AND

(ii) have a good character;
(iii) are aged about 22 years or older

we invite you to apply by filling in on of our application forms which you can obtain together with an information sheet on the career of Magistrates from the nearest District or Local Court in your Province

OR

By writing directly to the address below:-

TRAINING OFFICER
Magisterial Service
P.O. Wards Strip
WAIGANI

Applications close: 30th June, 1980.

Mosbi Soka

Long las wiken i no gat soka long Mosbi. Tasol dispela wiken bai gat ol pilai. Dro bilong ol pilai, yu ken painim long Wantok Niuspepa bilong las wik.

Ol pilai bilong ol primia tim em i go olsem. Long Sarere Guria bai kik wantaim Maegin long Boroko ples pilai namba 1. Na long Boroko ples pilai namba 2, Yuni bai ki wantaim PWD.

Long Sande long Boroko ples pilai namba 1, Semineri bai kik wantaim Kiriwina. Na Suman bai kik wantaim Solo long Boroko ples pilai namba 2.

Ating Guria bai winim Maegin na Yuni tu bai winim PWD. Na Kiriwina na Semineri bai dro. Sunam bai winim Solo.




Pilaya bilong Imele (Lephan) i kism bal pinis. Paramanai tu let. Ol pilai soka long las wik Sande.



Kunta i autim bal pinis. Em i wokim stail kik. Raba Raba i laik behanim bal new. Ol i kik long las wik Sarere. Tupela i dro 2 - 2.



Oi-Yoo, kas bu'ong Kruff. Em i satim bal long abrusim pilaya bilong Lorengau. Ol tu i kik long las wik Sande, long Mosbi.





Bun bilong Hailans, save. Saten i no inap na Hailans i givim ol 14 - 8.



Aiyo - Noten nilim stret Saten. Saten i hatwok tru tasol ol i no inap, Noten i winim ol 10 - 5.

Photo: Peter Lowenstein



Noten no inap pasim ol trikman bilong Ailans long dispela foto. Tasol Noten i smat moa long pilai na winim Ailans 11 - 5.

Peter Lowenstein

KAMAPIM P.N.G. LONG TOKTOK WANTAIM

**PASIN BILONG
SALIM TOKTOK
I GOHETIM KANTRI.**

I gat asua bilong pawa long telex o telepon bilong yu?
Na yu tingting long yusim narapela kain pawa
Sapos yu usim narapela kain pawa na masin bilong
yu i bagarap. yu yet bai baim long oraitim gen.
Pawa bilong liklik generator inap bagarapim wok.
P&T i laik bai yu no ken yusim dispela kain pawa
Sapos yu laik yusim pawa bilong generator,
PLIS TOKSAVE LONG P&T.
BAI YU KISIM P&T LONG:

Department of Public Utilities,
Assistant Secretary,
Telecommunication Operations,
P.O. Box 3279 Port Moresby.
Telex No 22119

25
YEARS OF
SERVICE

MEB 466/W

DEPARTMENT OF PUBLIC UTILITIES
Postal and Telecommunication Services

Junia Ragbi

Nesenel Sempionsip

Noten Zon I Redi long Kisim Sempionsip

Ol Noten i redi pinis long kisim Junia Ragbi Lig Sempionsip bilong 1980. Ol i winim pinis namba wan na namba tu pilai bilong ol na ol i redi long taitim bun wantaim ol Hailans.

Hailans i winim namba wan pilai bilong ol. Tasol long Sande ol Ailans i winim ol. Olsem i no hatwok tumas long Noten i winim sempionsip long dispela yia.

Taim ol Ailans i winim ol Hailans 7 - 0 ol man i kirap nogut tru. Tupela tim ya i taitim bun tru. Ol i takel raf tru. Ol i pilai olsem ol bikpela senia tim. Tasol save bilong ol Ailans i win-

im ol Hailans. Taim ol Hailans i takelim ol pilaia bilong Ailans, ol Ailan i no trai moa long ran wantaim bal. Ol i wok long kik tasol. Na kepten bilong ol Pihlip Misikarem, i kikim 7-pela poin olgeta. Em i kikim

wanpela gol na tripela penalti kik.

Ol bek bilong ol Hailans i wok gut long ran wantaim bal. Tasol ol i no givim gut bal long poro bilong ol na long dispela samting tasol ol popaia. Sapos ol i dilim gut bal bai ol inap

daunim Ailans. Tasol sori, ol pilaia i no laik dilim gut bal na Hailans i lus.

Noten tim i winim ol Ailans 11 - 5 long Sarere na long Sande ol i winim Saten 10 - 5. Long Mande avinun bai tupela tim i taitim bun stret long

kisim sempionsip. Noten i pilai gut tru long Sarere na Sande na i luk olsem ol inap pinisim ol Hailans. Sapos Hailans i winim Noten, wanem tim i gat plenti poin bai winim dispela sempionsip.

Ol Hailans i winim

Saten 14 - 8 long Sarere. Long las yia ol Ailans i winim sempionsip na ol Hailans i kamap namba tu.



Kas bilong Saten. Tupela man i no inap pasim spidman ya. Tasol Noten i strong moa na mekim save long Saten 10 - 5.

Poto Peter Lowenstein

AIR NIUGINI

HELPIM KANTRI GOHET

THE NATIONAL AIRLINE OF PAPUA NEW GUINEA



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.